

唐書本紀卷第十一

劉 昫 筆修

聞人詮校刊沈桐同校

代宗

代宗睿文孝武皇帝諱豫肅宗長子母曰章敬皇太后吳氏以開元十四年十二月十三日生于東都上陽宮初名俶年十五封廣平王玄宗諸孫百餘上為嫡皇孫宇量弘深寬而能斷喜懼不形於色仁孝溫恭動必由禮幼而好學尤專禮易玄宗鍾愛之祿山之亂京城陷賊從肅宗蒐兵靈武以上為天下兵馬元帥時朝廷草創兵募寡弱上推心示信招懷流散比至彭原兵衆數萬及肅宗迴幸鳳翔時房瑄郭子儀繼戰不利賊鋒方銳屢來寇襲上選求勇幹頻挫其鋒聖慮遑寧士心大振及却進討百官辭送步出闕門方始乘馬迴紇葉護王子率兵入助勇冠諸蕃上接以優恩結為兄弟故香積之戰賊徒大敗遂委西京而遁雖子儀嗣業之奮命由上恩信結於士心



故人思自效既收京城令行禁止民庶按堵秋毫不犯耆老歡迎對之歔歔聞賊殘衆猶保陝郊即日長駟東趨號洛新店之後一戰大捷慶緒之黨十殲七八數旬之間河南底定兩都恢復二聖迴鑾統率之功推而不受肅宗還京大赦改封楚王乾元元年三月改封成王四月庚寅立為皇太子改名豫上元末年兩宮不豫太子往來侍疾躬嘗藥膳衣不解帶者久之及承監國之命流涕從之寶應元年四月肅宗大漸所幸張皇后無子后懼上功高難制陰引越王係於宮中將圖廢立乙丑皇后矯詔召太子中官李輔國程元振素知之乃勒兵於凌霄門俟太子至即衛從太子入飛龍廡以俟其變是夕勒兵於三殿收捕越王係及內官朱光輝馬英俊等禁錮之幽皇后於別殿丁卯肅宗崩元振等始迎上於九仙門見羣臣行監國之禮已巳即皇帝位於柩前甲戌詔國之大事戎馬為先朝有舊章親賢是屬故求諸必當用制於中權存乎至公豈慙於內舉特進奉節郡王适可天下兵馬元帥乙亥以兵部尚書判元帥行軍閑廡等使李

輔國進號尚父飛龍閑廡副使程元振為右監門將軍兼中書令輝啖庭瑤陳仙甫等於黔中五月己卯朔以李輔國為司空兼中書令餘如故辛卯制曰三年之喪天下達禮苟或變革何以教人朕遺此凶孽號罔極公卿固請俾聽朝務斬焉縲絰痛貫心靈豈可使議公除遽移諒閣昨見所司儀注今日十三日大祥十五日從吉仰憑遺制又欲抑予竊惟哀思深謂未可其百寮並以此釋服朕將繼武丁之道素冠之詩恭默再尚不忍權奪片庶在位宜悉哀懷宰臣苗晉卿等三上表請依遺制方聽政丙戌副魯王字改封鄒王奉節郡王适進封魯王李光弼進封臨淮王貶禮部尚書蕭華為陝州司馬改行乾元錢重稜小錢一當二重稜大錢一當一內中以及部侍郎元載同中書門下平章事克度支轉運使改乾元大小錢並一當一丁酉御丹鳳樓大赦子儀光弼李光進等道節度使並加實封四月十七日立功人並號寶應功臣內外文武百官品已上進爵四品已下加階諸州防禦使並停內外官考勳益昌郡王適進封鄭



王延慶郡王迥進封韓王故庶人... 氏故庶人太子瑛鄂王瑒  
光王瑒並宜復封號棣王琰承王璿... 建昌王迥封齊王崇  
恩王迥封齊王靈昌王迥封鄭王王寅以來... 復為襄州刺史山南東  
道節度使六月己酉朔百寮臨下西宮... 不視朝自是每朔望皆如  
之迄于山陵凡人臣有事辭見先... 西宮然後詣朝改豫州為蔡州  
避上名也侍中苗晉卿以老疾請三日一入中書... 從之己未罷尚父  
李輔國判元帥行軍及兵部尚書閑廐節使輔國請遜位辛酉以輔  
國為博陵王罷中書令辛卯朔望于申以通州刺史劉晏為戶部侍  
郎兼御史大夫京兆尹京度支轉運鹽鐵諸道鑄錢等使秋七月己  
卯朔辛巳觀軍容使魚朝恩封馮翊郡開國公宦官程元振為鎮軍  
大將軍保定郡開國公乙酉襄州刺史裴義長流費州賜死於藍田  
驛唐寅詔不許醜使閱投墮人文狀賜道州司馬敬羽自盡來瑱自  
襄州來朝郭子儀自河中來朝八月己酉朔自七月不雨至此月終  
北方雨庚午夜西北有赤光亘天貫紫微漸移東北彌漫半天照太

子少傅李遵為袁州刺史台州賊袁晁陷台州連陷浙東州縣九月  
丁丑朔魯王适改封雍王以山南東道節度使來瑱為兵部尚書同  
中書門下平章事節度如故程元振進封邠國公丙申右僕射山陵  
使裴冕貶施州刺史戊戌通統登至可汗率眾來助國討逆令御史  
大夫尚衡宣慰之甲午太州至陝州二百餘里黃河清澄澈見底甲  
午秘書監韓穎中書舍人劉烜配流嶺表尋縶死坐押昵李輔國也  
冬十月辛酉詔天下兵馬元帥雍王統河東朔方及諸道行營回紇  
等兵十餘萬討史朝義會軍於陝州加朔方行營節度使大寧郡王  
傑固懷恩同中書門下平章事丁卯夜盜殺李輔國於其第竊首而  
去戊辰元帥雍王率諸軍進發雷郭英又魚朝恩鎮陝州壬申王師  
次洛陽北郊甲戌戰于橫水賊大敗俘斬六萬計史朝義奔翼州乙  
亥雍王奏收東京河陽汴鄭滑相魏等州乙酉陝西節度使郭英又  
權知東京畱守丁酉偽信州節度使張忠志以趙定深恒易五州歸  
順以忠志檢校禮部尚書恒州刺史克成德軍節度使賜姓名曰李



寶臣於是河北州郡悉平賊范陽尹李懷仙斬史朝義首來獻請降  
十二月庚戌太子太師邠國公韋見素薨辛未傑固懷恩爲尚書左  
僕射兼中書令靈州大都督長史河北副元帥邛州新置鎮南軍  
是歲江東大疫死者過半吐蕃陷我臨洮秦成渭等州二年春正月  
丁亥朔甲午戶部尚書兼御史大夫都統淮南節度觀察等使越國  
公李峘卒國子祭酒兼御史大夫京兆尹劉晏爲吏部尚書固中書  
門下平章事度支諸使如故壬寅制開府儀同三司行兵部尚書同  
中書門下平章事克山東道節度觀察虢置等使上柱國潁國公來  
瑱削在身官爵長流播州尋賜死于路閏月戊申以史朝義下降將  
李寶臣爲檢校禮部尚書兼御史大夫恒州刺史清河郡王克成德  
軍節度使薛嵩爲檢校刑部尚書相州刺史相衛等州節度使李懷  
仙檢校兵部尚書兼侍中武威郡王幽州節度使田承嗣檢校戶部  
尚書魏州刺史鳳門郡王魏博等州都防禦使二月甲午迴紇登黑  
可汗辭歸蕃三月甲辰朔襄州右兵馬使梁崇義殺大將李昭據城

自固乃授崇義襄州刺史山南東道節度使丁未袁叅破袁晁之衆  
於浙東玄宗肅宗歸附山陵自三月一日廢朝至於晦日百寮素服  
詣延英門通名起居四月戊寅朔太州依舊爲華州太陰縣爲華陰  
縣庚辰河南副元帥李光弼奏生擒袁晁浙東州縣悉平辛巳群臣  
請上尊號五月癸卯朔丙寅尚書省試制舉人命左右丞侍郎對試  
賜食如舊儀太常卿杜鴻漸奏婚葬合給鹵簿望於國立大功及二  
等已上親則給餘不在給限從之六月癸酉朔癸未以陳鄭澤潞節  
度使李抱王檢校司空封武威郡王河中節度使王昂檢校刑部尚  
書封邠國公同華節度使李懷讓檢校工部尚書同日入省宰相  
送上甲申以前淮西節度使王仲昇爲右羽林大將軍兼御史大夫  
六軍將重兼大六自仲昇始也甲午觀軍容使魚朝恩自涇州入朝  
上御連禮門命公卿百寮觀兵馬同華節度使李懷讓自涇州入朝  
振所攝於七月壬寅朔戊申群臣上尊號曰寶應元聖文武皇帝御  
含元殿受冊壬子御宣政殿宣制改元曰廣德大赦天下常赦不原



者咸赦除之安祿山史思明親族應在諸道一切原免不問民戶三  
丁免一丁庸租稅依舊每畝二升男子二十成丁五十入老元帥雍  
王兼尚書令河北副元帥僕固懷恩加大保迴紇登里可汗進徽號  
功臣皆賜鐵券藏名太廟畫像凌煙閣刺史縣令自今後改轉刺史  
以三年為限縣令四年為限負外及攝試不得整務丁巳僕固瑒兼  
御史大夫克朔方行營節度是月吐蕃大寇河隴陷我秦成渭三州  
入大震關陷蘭廓河鄯洮岷等州盜有隴右之地八月以荆南節度  
使李岷為宗正卿九月壬戌朔僕固懷恩拒命於汾州遣宰臣裴遵  
慶往宣撫之巳丑吐蕃寇涇州刺史高暉以城降因為吐蕃鄉導冬  
十月庚午朔辛未高暉引吐蕃犯京畿寇奉天武功盤屋等縣蕃軍  
自司竹園渡渭循南山而東丙子駕幸陝州上出苑門射生將王獻  
忠率四百騎叛脇豐王巳下十王歸京從官多由南山諸谷赴行在  
郭子儀收合散卒屯於商州丁丑次華州官吏藏竄無復儲擬舍魚  
正恩道神策軍自陝來迎駕乃幸朝恩軍戊寅吐蕃入京師立廣武

王承宏為帝仍逼前翰林學士于可封為制封拜辛巳車駕至陝州  
子儀在商州會六軍使張知節烏崇福長孫全緒等率兵繼至軍威  
遂振舊將王甫誘聚京城惡少脅擊街鼓於朱雀街蕃軍震懾狼狽  
奔潰庚寅子儀收京城壬辰以宰臣元載判天下元帥行軍司馬京  
兆尹兼吏部侍郎嚴武為黃門侍郎朗州刺史第五琦為京兆尹兼  
御史大夫癸巳以郭子儀為京苗守高暉聞吐蕃潰以三百騎東奔  
至潼關為關守李伯越所殺十一月辛丑朔太常博士柳伋上疏以  
蕃寇犯京師罪由程元振請斬之以謝天下上甚嘉納以元振有保  
護之功削在身官爵放歸田里十二月甲辰宦官市舶使呂太一逐  
廣南節度使張體縱乘大掠廣州丁亥車駕發陝郡還京辛卯鄂州  
大風火發江中焚船三千艘焚居人廬舍二千家甲午上至自陝州  
乙未以待中苗晉卿為太保黃門侍郎同平章事裴遵慶為太子少  
傅並罷知政事宗正卿梁國公李岷為黃門侍郎同中書門下平章  
事丙申放廣武王承宏于華州一切不問丁酉朔方行營節度使僕



固瑒為悵下梟首來獻懷恩聞瑒死燒營遁入吐蕃朝臣稱賀上不悅曰朕之涼德信不及人致勲臣顛覆用增愧慙何至賀焉程元振自三原縣衣婦人服入京城京兆府擒之以聞乃下御史臺鞠問吐蕃陷松州維州雲山城籠城

二年春正月己亥朔壬寅御史臺以程元振獄狀聞配流溱州既行追念舊勲特矜遐裔令於江陵府安置甲辰復置京畿觀察使以御史中丞領之癸卯尚書右丞顏真卿為刑部尚書兼御史大夫充朔方宣慰使癸亥吏部尚書同平章事度支轉運使劉晏為太子賓客黃門侍郎同平章事李峴為太子詹事並罷知政事以前右散騎常侍王縉為黃門侍郎太常卿杜鴻漸為兵部侍郎並同中書門下平章事罷度支使以戶部侍郎第五琦專判度支及諸道鹽鐵轉運鑄錢等使甲子元帥尚書令雍王三上章讓皇太子第五琦奏諸道置常平倉使司量置本錢和糴許之丁卯司徒兼中書令郭子儀充河東副元帥河中等處觀察兼雲州大都督單于鎮北大都護二月己

巳朔冊天下兵馬元帥尚書令雍王适為皇太子癸酉上親薦獻大  
清宮太廟乙亥祀昊天上帝於圓丘即日還宮戊寅以澧州刺史裴  
冕為左僕射兼御史大夫充東都河南江南淮南轉運使巳卯第五  
琦開決汴河五月丁酉朔戊午勅中書門下兩省加置散騎常侍四  
員官為正三品庚申罷歲貢孝悌力田童子等科甲子禁錮作珠翠  
等委所司切加捉搦癸未制太保兼中書令靈州大都督府長史單  
于鎮北副大都護充朔方節度關內度支營田鹽池押諸蕃部落副  
大使知節度事六城水運使河北副元帥上柱國大寧郡王僕固懷  
恩先任靈州大都督府長史彈鎮北副元帥朔方節度使宜並停其  
太保兼尚書令大寧郡王如故七月己酉朔河南副元帥太尉兼侍  
中臨淮王李光弼薨於徐州廢朝三日判度支第五琦兼京兆尹西  
史大夫八月丁卯宰臣王縉為侍中持節都統河南淮西淮南山南  
東道節度行營事進封太原郡公固讓侍郎從之宰相杜鴻漸判門  
下省事癸巳王縉兼領東京留守九月乙未朔丙申詔徵河中兵討



吐蕃將發是夜軍衆誼諫劫節度使在禹家財及民家財產殆盡皆重裝而行吏不能禁自七月大雨未止京城米斗值一千文蝗食田丙午河東節度使辛雲京檢校尚書右僕射同中書門下平章事太原尹北京留守已酉江南西道觀察洪州刺史張鎬卒辛亥河東副元帥中書令汾陽郡王郭子儀加太尉充北道邠寧涇原河西已東通和吐蕃及朔方招撫使陳鄭澤潞節度使李抱玉進位司徒充南道通和吐蕃使鳳翔秦隴臨洮東觀察使子儀三表懇讓太尉許之己未劔南節度嚴武攻拔吐蕃當狗城破蕃軍七萬尚書左丞楊綰知東京選禮部侍郎賈至知東都舉兩都分舉選自至始也辛酉以太子詹事李峴為吏部尚書兼御史大夫知江南東西及福建道選事并觀農宣慰使仍命洪州刺史李勉副知選事是秋蝗食田殆盡閔輔尤甚米斗千錢冬十月丙寅僕固懷恩引吐蕃二萬寇邠州節度使白孝德閉城拒守丁卯寇奉天京師戒嚴先鋒郭晞斬賊營於邠州西俘斬數百計子儀屯涇陽蕃軍挑戰子儀不出甲申河南

尹蘇震卒劔南嚴武奏收吐蕃鹽井城十一月乙未懷恩與蕃軍自潰京師解嚴丁未子儀自涇陽入覲詔宰臣白寮迎之於開遠門上御安福寺待之十二月乙丑加子儀關內河中副元帥兼尚書令吏部侍郎暢瓘為左散騎常侍河中尹子儀三表讓尚書令詞情懇切優詔從之丁卯夜星流如雨戊辰子儀於鞏省領副元帥事宰臣白寮送仍令射生五百騎戎服自光範門送至省門右僕射郭英乂以樂迎之是日使赴奉天是歲戶部計帳管戶二百九十三萬三千一百二十五口一千六百九十二萬三百八十六

永泰元年春正月癸巳朔制曰叶五紀者建號以體元授四時者布和而順氣天心可見人欲是從爰立大中之道式受惟新之命朕嗣曆下武獲于萬方願以薄德乘茲艱運戎麾問罪今已十年鼓至策勲惟凶渠之授首勞師黜武豈佚主之用心軍役屢興干戈未戢茫茫士庶斃于鋒鏑皇穹以朕為子蒼生以朕為父至德不能被物精誠不能動天俾我生靈淪於溝壑非朕之咎孰之過歟朕所以馭朽



懸旌坐而待曙勞懷罪已之念延想安人之策亦惟羣公卿上百辟  
庶寮咸聽朕命協宣乃力履清白之道還淳素之風率是黎元歸于  
仁壽君臣一德何以尚茲迺者刑政不修惠化未洽既盡財力良多  
弘敷在宥之澤可大赦天下改廣德三年爲永泰元年是日雪盈尺  
戊申澤潞李抱玉兼鳳翔隴右節度使兼南道通和吐蕃鳳翔秦隴臨  
洮巴東觀察處置等使仍命四鎮行營節度使馬璘爲副和吐蕃使  
癸丑罷岐州之鳳翔縣併入天興縣乙卯左散騎常侍高適卒戊午  
劍南節度使嚴武加檢校吏部尚書山南節度使張獻誠加檢校工  
部尚書以前太子少保王興爲太子少師前袁州刺史李遵爲太子  
少保聽朝朔望二月甲子夜雷霆震擊丁丑內出宮女千人品官六  
百人守洛陽宮戊寅党項羌寇富平焚定陵寢殿庚辰儀王璩薨諸  
陵署復隸太常寺戊子河西党項永定等十二州部落內屬詔置  
芳等十五州許之三月壬辰朔詔左僕射裴冕右僕射郭英又太子

少傅裴遵慶檢校太子少保白志貞太子詹事臧希讓左散騎常侍  
楊璀檢校刑部尚書王昂高昇檢校工部尚書崔渙吏部侍郎李  
卿王延昌禮部侍郎賈至涇王傅吳令瑤等十三人並集賢院待  
上以勲臣罷節制者京師無職事乃合於禁門書院間以文儒公卿  
寵之也仍待給殮奉錢三千貫庚子夜降霜木有冰歲饑米斗十錢  
諸穀皆貴丙午鳳翔李抱玉讓司徒從之授左僕射同平章事庚戌  
吐蕃請和詔宰臣元載吐蕃使同盟于興唐寺辛亥大風拔  
木是春大旱京師米貴解至萬錢夏四月己巳乃雨戊子太保致仕  
苗晉卿薨庚寅劍南節度使檢校吏部尚書嚴武卒五月癸丑以尚  
書右僕射定襄郡王郭英又爲成都尹御史大夫充劍南節度使是  
月麥稔判度支第五琦奏請十畝稅一畝效古什一而徵從之六月  
癸亥吏部尚書李嶠南遷廻至江陵貶衢州刺史自春無雷至此月  
甲申大風而雷代州置代北軍平州置柳城析通州石鼓縣置巴渠  
縣穠七月辛卯朔潯陽節度使侯希逸爲副將李懷玉所逐制以鄭



王邈為平盧淄青節度大使令懷王權知留後事以久旱遣近臣分錄京城諸獄繫囚甲午昇平公主出降駙馬都尉郭曖庚子雨時久旱京師米斗一千四百他穀食稱是八月乙亥河南道副元帥涇原節度使馬璘封扶風郡王九月辛卯太白經天下西僕固懷恩死十靈州之鳴沙縣時懷恩誘吐蕃數十萬寇邠州客將尚喆息賚麻尚悉東贊等寇奉天醴泉党項羗渾奴刺寇同州及奉天逼鳳翔府盤屋縣京師戒嚴時以星變羗虜入寇內出二道佛經兩舉付資聖西明二佛寺置百尺高座講之及奴虜虜虜之方罷講巴西郭子儀自河中至進屯涇陽李忠臣屯東原子元進屯雲陽馬璘郝王屯便橋駱奉仙李伯越屯盤屋李抱王屯鳳翔周智光屯同州杜冕屯坊州上親率六軍屯苑內庚戌下詔親征內官魚朝恩上言請括私馬京城男子悉單衣團結塞京城二門之一士庶大駭有踰垣鑿竇出城者吏不能禁自丙午至甲寅大雨平地水流丁巳吐蕃大掠京師男女數萬計焚廬舍而去同華節度周智光以兵追擊于澄城

破賊萬計冬十月己未復講仁王經於資聖寺吐蕃至邠州與迴紇相遇復合從入寇辛酉逼奉天癸亥党項攻同州焚州民廬舍丁巳郭子儀說諭迴紇令與吐蕃疑貳庚辰子儀先鋒將白元光合迴紇軍擊吐蕃之眾於靈臺縣之西原斬首五萬級俘獲人畜凡三百里不絕辛巳京師解嚴壬午僕固懷恩大將僕固名臣以千騎來降詔稅百官錢市絹十萬以賞迴紇乙酉迴紇首領胡祿都督來朝癸卯朔方將李迴方奏收靈武郡丁亥分宣饒歛戶口於橐浦縣置池州分信州弋陽置貴溪縣閏十月辛卯以京兆少尹黎幹為京兆尹丙午封朔方大將孫守亮等七人為異姓王李國臣等十三人為同姓王丁亥百寮上表以軍興急於糧餉請納職田以助費從之戊申進封渭北節度使李光進為武威郡王以刑部侍郎路嗣恭檢校工部尚書兼御史大夫靈州大都督府長史充關內副元帥兼知朔方節度等使劔南節度使郭英乂為其檢校西川兵馬使崔旰所殺邛州栢茂林瀘州楊子琳劔南李昌夔皆起兵討旰蜀中亂十一月辛巳



河南都統王縉請減諸道軍資錢四十萬貫修洛陽宮從之十二月  
已酉勅如聞諸州承本道節度觀察使牒科役百姓致戶口凋弊此  
後委轉運使察訪以聞

二年春正月丁巳朔大雪平地二尺壬申減子孫襲實封者半租永  
為常式乙酉制治道同歸師氏為上化人成俗必務于學後造之士  
皆從此途國之貴遊罔不受業修文行忠信之教崇祗庸孝友之德  
盡其師道乃謂成人然後揚于王庭敷以政事徵之以理任之以官  
實於周行莫匪邦彥樂得賢也其在茲乎朕志承理體尤重儒術先  
王設教敢不虔行頃以戎狄多虞急於經略太學空設諸生蓋寡  
誦之地寂寥無聲函丈之間殆將不掃上庠及此甚用閔焉今當縣  
入寧文武並備方投戈而講藝俾釋菜以行禮使四科咸進六藝  
興神人以和風化浸美日用此道將無間然其諸道節度觀察都防  
禦等使朕之腹心久鎮方面眷其子弟為奉義方修德立身是資  
業恐干戈之後學校尚微僻居遠方無所咨稟負經來學宜集京師

其宰相朝官六軍諸將子弟欲得習學可並補國子學生其中身  
有官欲附學讀書者亦聽其學官委中書門下選行業為師範者充  
其學生負款所習經業供承糧料增修學館委本司條奏以聞丙戌  
以戶部尚書劉晏充東都京畿河南淮南江南東西道湖南荆南山  
南道轉運糧餉使以戶部侍郎第五琦充京畿關內河  
東荆南西道轉運使至是天下財賦始分理焉二月  
以不附元載等之也壬子命黃門侍郎同平章事杜鴻漸  
兼成都尹持節充山南西道劍南東川等道副元帥仍充劍南西川  
節度使以平郭英乂之亂也以四鎮行營節度使馬璘兼邠州刺史  
癸丑以山南西道節度使梁州刺史張獻誠兼充劍南東川節度觀察  
使中州刺史栢茂林充中州防禦使劍南西山兵馬使崔旰為茂  
州刺史充劍南西山防禦使從杜鴻漸請也二月辛未張獻誠與崔旰



戰于梓州為賊所敗僅以身免夏四月辛亥詔尚書省郎中授中州  
刺史自是歲後凡三歲為定制丙辰稅高苗地錢使殿中侍  
御史光泰等議其地逼是歲得錢四百九十萬貫自乾元己未天  
下兵亂官無餘積乃議於天下地畝青苗上量配稅錢命御史府差  
使徵之以充百官俸料每年據數均給之歲以為常式六月戊戌以  
淮南節度使崔回檢校尚書右僕射自春旱此月庚子始雨丁未日  
重輪其夜月重輪權七月辛酉檢校兵部尚書衢州刺史李峴卒自  
五月大雨洛水泛溢漂溺居人廬舍二十坊河南諸州亦加荆南節  
度使衛伯玉檢校工部尚書癸未太廟二室芝草生八月丁亥國子  
監釋奠復用牲牢上元二年詔諸祠獻熟至是魚朝恩請復舊制三  
寅以茂州刺史崔旰為成都尹兼御史大夫劔南西川節度行軍司  
馬邛南防禦使邛州刺史柏茂林為邛南節度使從杜鴻漸所請也  
癸卯太子少保裴遵慶為吏部尚書裴元尚書崔暹為太子少傅甲  
辰以開府儀同三司右監衛大將軍

馬使上柱國馮翊郡開國公魚朝恩加內侍監判國子監事充鴻臚  
禮賓等使進封鄭國公辛亥以檢校禮部尚書裴士淹充禮儀使九  
月庚申京兆尹黎幹以京城薪炭不給奏開漕渠自南山山谷口入京  
城至薦福寺東街北抵景風延喜門入苑闊八尺深一丈渠成是日  
上幸安福門以觀之丙子宣州刺史李佚坐賊二十四萬貫集眾杖  
死籍沒其家冬十月癸未朔己丑宗正卿吳王祗奏上皇室永泰新  
論二十卷太常博士柳芳撰和蕃使楊濟與蕃使論位藏等來朝丙  
申令宰臣宴論位藏於中書省十一月甲寅乾陵令於陵署得赤兔  
以獻丙辰詔古者量其國用而立稅典必於經費由之重輕公田之  
籍可謂通制履畝而稅斯誠弊法所期折中以便於時億兆不康君  
孰與足故愛人之體先以博施富國之源必均節用朕自臨宸極比  
屬艱難嘗欲闡淳朴之風守冲儉之道每念黎庶思致和平而邊事  
猶殷戎車屢駕軍興取給皆出邦畿九伐之師尚勤王略千金之費  
重困吾人乃者遵冉有之言守周公之制什而稅一務於行古今則



編戶流亡而墾田減稅計量入之數甚倍征之法納隍之懼當宁軫  
懷慮失三農憂深萬姓務從省約稍與蠲除用申勤卹之懷以救惻  
嫠之弊京兆府今年合徵八十二萬五千石數內宜減放一十七萬  
五千石青苗地頭錢宜三分取一在京諸司官負久不請俸頗聞艱辛  
其諸州府縣官及折衝府官職田據苗子多少三分取一隨處糶貸  
市輕貨以送上都納青苗錢庫以助均給百官甲子日長至上御含  
元殿下制大放天下改永泰二年為大曆元年十二月己亥慧起匏  
瓜其長尺餘犯宦者星癸卯同華節度使周智光專殺陝州監軍張  
志斌前虢州刺史龐充據華州謀叛是冬雪

二年春正月壬子朔丁巳密詔關內河東副元帥郭子儀治兵討周  
智光壬戌貶智光為澧州刺史甲子以兵部侍郎張仲光為華州刺  
史潼關防禦使大理卿敬括為同州刺史長春宮等使是日周智光  
張下將斬智光并子元耀元幹三首傳之以獻已巳詔潼關置兵三  
千癸酉詔天文著象職在於疇人讖緯不經蠹深於疑衆蓋有國之禁

非私家所藏雖裨窳明微子產尚推之人事玉卮必驗景略猶實於  
典刑况勳皆訛謬率是矯誣者乎故聖人以經籍之義資理化之本  
側言曲學寔紊大猷去道之亂政俾彝倫而攸叙自四方多故一紀  
于茲或有妄庸輒陳休咎假造符命私習星曆共肆窮鄉之辯相傳  
委巷之譚詐偽多端順非僥澤熒惑州縣註誤閭閻壞紀挾邪莫逾  
於此其玄象器局天文圖書七曜曆太一雷公式等私家不合輒有  
今後天下諸州府切宜禁斷本處分明榜示嚴加捉搦先藏蓄此等  
書者勅到十日內送官本處長吏集衆焚毀限外隱藏為人所告者  
先決一百畱禁奏聞所告人有官即與超資注擬無官者給賞錢五  
百貫兩京委御史臺處分各州方面勳臣洎百僚庶尹罔不誠亮王  
室簡于朕心無近憚人慎乃有位端本靜末其誠之哉丁丑昇魏州  
為大都督府戊寅勅同華兩州頃因盜據民力凋殘宜給復二年一  
切蠲免庚辰禁王公宗子郡縣主之家不得與軍將婚姻交好委御  
史臺察訪彈奏二月壬午幸昆明池踏青丙戌封華州牙將姚懷為



感義郡王李延俊爲承化郡王以斬智光之功也郭子儀自河中来朝癸卯宰臣元載王縉左僕射裴冕戶部侍郎第五琦京兆尹黎幹各出錢三十萬置宴於子儀之第三月辛亥夜大風丁巳河中府獻玄狐汴宋節度使田神功來朝戊辰貶太子少保李遵永州司馬坐賊也甲戌魚朝恩宴子儀宰相節度度支使京兆尹於私第乙亥子儀亦置宴于其第戊寅田神功宴于其第時以子儀元臣寇難漸平蹈舞王化乃置酒連宴酒酣皆起舞公卿大臣列坐於席者百人子儀朝恩神功一宴費至十萬貫夏四月己亥以江南西道都團練觀察等使洪州刺史李冕爲京兆尹刑部侍郎魏少遊爲洪州刺史兼御史大夫江西觀察團練等使庚子宰臣內侍魚朝恩與吐蕃同盟於唐興寺丙午加田神功檢校右僕射癸酉以工部侍郎徐浩爲廣州刺史嶺南節度觀察使六月戊戌山南劍南副元帥杜鴻漸自蜀入朝壬寅荆南節度使衛伯玉封城縣郡王癸卯御史大夫王翊卒秋七月戊申朔以右散騎常侍于休烈爲檢校工部尚書知省事時

方百勳臣昇八座者多非正貢朝命正貢者以知省事爲名以中書舍人張延賞檢校河南尹丙寅以劍南西川節度行軍司馬崔旰劍南節度觀察等使遂州刺史杜濟爲劍南東川節度觀察等使以杭州刺史張伯儀爲安南都護癸酉析道州延唐縣置大曆縣甲戌酉時有白氣竟天八月庚辰鳳翔節度使李抱玉來朝壬午月入氏丙戌渤海朝貢辛卯潭衡水災丙申月犯畢壬寅太常卿駙馬都尉姜慶初得罪賜自盡勅陵廟署復隸宗正寺九月戊申朔歲星守東井七日甲寅吐蕃寇靈州進寇邠州詔子儀率師三萬自河中鎮涇陽京師戒嚴戊午夜白霧起西北竟天子儀移鎮奉天乙丑晝有大流星出于午没于亥命左丞李涵宣慰河北熒惑犯南斗辛未靺鞨使來朝桂州山獠陷州城刺史李良遁去十月戊寅靈州奏破吐蕃二萬京師解嚴甲申減京官職田三分之一給軍糧乙酉醴泉出于櫟陽飲之愈疾迴紇党項使來朝癸卯上御紫宸殿策試茂才異行安貧樂道孝悌力田高蹈不仕等四科舉人十一月庚申改黃門侍郎



依舊為門下侍郎詔曰春秋以九命作上公而謂之宰臣者三公之職漢制中書令出納詔命典司樞密侍中上殿稱制奉議政事魏晉已還益重其任職有關於公府事不係於尚書雖陳啓沃之謀未專宰臣之稱所以委遇斯大品秩非崇至于國朝實執其政當左輔右弼之寄總代天理物之名典領百寮陶鎔景化豈可具瞻之地命數不加固當進以等威副其僉屬其侍中中書令宜昇入正二品門下中書侍郎昇入正三品壬戌夜月暈南北河東并鎮星入輿鬼久之方散甲子月去軒轅一尺已丑率百官京城士庶出錢以助軍壬申京師地震自東北來其聲如雷十二月甲申鳳翔李抱玉來朝丁酉太原節度使辛雲京來朝癸惑入壁壘戊戌黑氣如塵竟北方是秋河東河南淮南浙江東西福建等道五十五州奏水災

三年春正月丙午朔辛亥劔南西山罷乾州管招武寧遠二縣壬子夜月掩畢甲子冊新羅國王金乾運母為太妃甲戌以工部侍郎將渙為尚書左丞江西團練觀察使蘇州刺史韋元甫為尚書右丞左

丞李涵右丞賈至並為兵部侍郎乙亥永和公主薨二月己卯以常州刺史李栖筠蘇州刺史兼御史中丞浙西團練觀察使壬午郇寧節度馬璘來朝三月乙巳朔日有蝕之壬申割恒州衛唐縣置涇州以靈壽恒陽隸之夏四月戊寅以山南西道節度使鄧國公張獻誠為檢校戶部尚書以疾辭位也右羽林將軍張獻恭為梁州刺史兼御史中丞充山南西道節度觀察使兄獻誠所薦也壬寅滑亳節度使令狐彰加檢校工部尚書劔南西川節度使兼御史大夫崔旰來朝五月戊申加崔旰檢校右散騎常侍乙卯追謚故齊王倓為承天皇帝興信公主亡女張氏為恭順皇后祔葬辛酉改桂州臨源縣為全義縣癸酉以左散騎常侍崔昭為京兆尹是日地震戊辰以劔南西川節度使崔旰檢校工部尚書改名寧寧為栢茂林楊子琳所攻寧旣入朝子琳乘虛襲據成都府朝廷憂之即日詔寧還成都庚午以邛州刺史鮮于叔明為梓州刺史充劔南東川節度使六月戊子承天皇帝祔奉天皇帝廟同殿異室庚寅太子少師王璵卒壬辰幽



州節度使檢校侍中幽州大都督府長史李懷仙為麾下兵馬使朱希彩所殺庚子淮南節度使檢校尚書左僕射知省事揚州大都督府長史趙國公崔圓卒閏月己酉郭子儀加司徒庚申宰臣充河南副元帥王縉兼幽州節度使以尚書右丞韋元甫揚州大都督府長史兼御史大夫充淮南節度觀察等使丁卯以幽州節度副使試太常卿朱希彩知幽州畱後遣兵部侍郎李涵兼御史大夫使河北宣慰以幽州亂故也庚午相州薛嵩魏州田承嗣恒州李寶臣並加左右僕射七月壬申崔寧弟寬攻破楊子琳收復成都府是月五星並聚於東井占曰中國之利也乙亥王縉赴鎮州八月己未月掩畢辛酉月入東井壬戌吐蕃十萬寇靈武熒惑犯太微垣丁卯吐蕃寇邠州京師戒嚴戊辰邠寧節度使馬璘破吐蕃二萬於邠州御史大夫崔渙為稅地青苗錢使給百官俸錢不平詔尚書左丞蔣渙按鞫貶崔渙為道州刺史庚午河東節度使檢校左僕射太原尹同中書門下平章事辛雲京卒門下侍郎同中書門下平章事兼幽州長史

持節河南副元帥都統河南淮西山南東道諸節度行營兼幽州龍等軍節度使太微宮使弘文館大學士兼東都畱守齊國公王經兼大原尹北都畱守充河東軍節度餘官使並如故辛未以門下侍郎同中書門下平章事山劔副元帥太清宮使崇玄館大學士杜鴻漸兼東都畱守九月壬申郭子儀自河中移鎮奉天歲星入輿鬼丁丑濟王環薨熒惑入太微垣壬午吐蕃寇靈武甲申以尚書左丞蔣渙為華州刺史充鎮國軍潼關防禦使丙戌檢校戶部尚書知省事鄧州國公張獻誠卒丁亥工部尚書趙國珍卒庚寅以前華州刺史張重光為尚書左丞壬辰靈州將白元光破吐蕃二萬於靈武戊戌靈武奏破吐蕃六萬百寮稱賀京師解嚴冬十月甲寅朔方畱後靈武大都督府長史常讓光加檢校工部尚書乙未以京兆尹李勉為廣州刺史充嶺南節度使丁卯子儀自奉天來朝十一月丁亥幽州畱後朱希彩為幽州長史充幽州盧龍節度使癸巳加廊下百官料增舊五分之一十二月壬寅道州刺史崔渙卒己酉以邠寧節度



使馬璘為涇原節度移鎮涇州其邠寧割穎朔方軍邠州將吏以燒馬坊為亂兵馬使段秀實斬其兇首八人方定

四年春正月庚午朔甲戌大風乙亥大雪平地盈尺甲申日有蝕之子儀河中戊子勅有司定王公士庶每戶秋錢分上中下三等宗室穎州刺史李岵專殺法司以議親宜賜自盡乙未福建觀察使李承昭請徙汀州於長汀縣之白石村從之黑衣大食國使朝貢二月乙巳以瀘州刺史楊子琳為陝州刺史乙卯宰臣杜鴻漸讓山劔副元帥從之丙辰夜地震有聲如雷者三辛酉以湖南都團練觀察使衡州刺史韋之晉為潭州刺史因是徙湖南軍於潭州江西團練使魏少遊來朝三月壬申詔夫計人而置官度事而賦任因時立制損益在焉吏足以理人人足以奉吏則官稱其祿祿當其秩然後上下相安公私不匱昔漢光武時及魏太和中並減吏員兼省鄉邑致理之道此其一隅今連歲治戎天下凋瘵京師近甸煩苦尤重比屋流散念之惻然人寡吏多困於供費欲甘蘇息不可得也設令廉恥守

分以奉科條猶有祿廩乏煩役使之弊而況貪猾縱欲而動踰典章作威以震下厚歛以潤已者乎古者縣置大夫一員足以為治奚必貳佐分掌而後治耶且京畿戶口減耗大半職員如舊何以堪之豈可以重困之人供不給之費使人不倦其在變通制事之宜式從省便其京兆府長安萬年宜各減丞一員尉兩員餘縣各減丞尉一員餘委吏部條件處分吏部尚書裴遵慶為右僕射劉晏改吏部尚書庚寅江西團練使魏少遊封趙國公丙申復置仙州夏四月壬寅陝州虞邑縣復為安邑縣號州天平縣復為湖城縣五月丙戌京師地震平卯以僕固懷安女為崇徽公主嫁迴紇可汗仍令兵部侍郎李涵往冊命六月丁酉以太子詹事臧希讓檢校工部尚書充渭北節度以渭北節度李光進為太子太保辛亥昇辰州為都督府析辰巫溪錦業等州置團練觀察使秋七月己丑以澧州刺史崔珣為潭州刺史湖南鳳翔移鎮藍屋鳳翔軍忿發縱兵大掠數日方止己亥廢仙川襄城葉縣隸汝州詔罷魚朝恩觀軍容使己巳朝恩自縊而死戊



寅詔定京兆府戶稅夏稅上田畝稅六升下田四升秋稅上田畝五  
升下田三升荒田開墾者二升已丑勅唐虞之際內有百揆庶政惟  
和至于宗周六卿分職以倡九牧書曰龍作納言帝命惟允詩云仲  
山甫王之喉舌皆尚書之任也雖西漢以二府分理東京以三公總  
務至于領錄天下之綱綜覈萬事之要邦國善否出納之由莫不處  
正於會府也令僕以綜詳朝政丞郎以彌綸國典法天地而分四序  
配星辰而統五行元本於是乎在九卿之職亦中臺之輔助小大之  
政多所關決自王室多難一紀于茲東征西伐略無寧歲內外荐費  
徵求調發皆迫於國計切於軍斯率於權便裁之新書從事且救當  
時之急殊非致理之道今外虞既平罔不率俾天時人事表裏相符  
將明畫一之法大布惟新之命陶甄化源去未歸本魏晉有度支尚  
書校計軍國之用國朝但以郎官署領辦集有餘時艱之後方立使  
額叅佐既衆簿書轉煩終無弘益又失事體其度支使及關內河東  
山南西道劔南西川轉運常平鹽鐵等使宜停禮儀之本職在奉常

往年置使因循未改有班舊制實曠司存委太常卿自舉本職其使  
宜停漢朝丞相與公卿已下五日一決事帝親斷可否且國之安危  
不獨注於將相攷之理亂固亦在於庶官尚書侍郎左右丞及九卿  
叅領要重朕所親倚固當朝夕進見以之匡益也並宜詳校所掌具  
陳損益如非時宜須有奏議亦聽詣閣請對當親覽其意擇善而從朕  
受昊天之感命承累聖之鴻業齊心滌慮夙夜憂勞顧以不敏不明  
薄於德化致使舊章多廢至理未弘其心愧恥終食三歎雖詔書屢  
下以申振卹且朝典未舉猶深鬱悼思與百辟卿士勵精於理俾國  
經王道可舉而行各宜承式以恭爾位諸州置屯亦宜停于是悉以  
度支之務委於宰相辛卯以兵部侍郎賈至爲京兆尹以京西兵馬  
使李勉爲鳳翔尹代皇甫溫溫移鎮陝州庚子湖南都團練使崔  
灌爲都團練觀察使癸未詔至理之代先德後刑上歡然以臨下下  
欣然而奉上禍亂不作法令可施去聖久遠薄於教化簡書填委獄  
訟煩興苛吏舞文寃人致辟思欲刷恥改行厥路無由豈天地父母



慈愛之意也朕主三靈之重託羣后之上夕惕若厲不敢荒寧內訪卿士外咨方岳日不暇給八年于茲而大道淳風鬱而不振四郊多壘連歲備邊師旅在外役費尤廣賦役轉輸疾耗吾人困竭無聊窮斯濫矣下庶暗昧不見刑網戎士在軍未習法令犯禁抵罪其徒實繁徃行之間未詳事實吏議不決動淹時月傷沮和氣屢彰咎徵此皆朕之不明教之未至上失其道而繩下以刑敢不罪已以答災眚人者君之支體害之則君有所傷刑者教之輔助失之則人無所措慮有冤濫慘然憂傷用明慎罰之典俾弘在宥之澤其天下凡禁囚死罪降從流流已下釋放左降流人移隸等委司奏請如聞州縣官比來率意恣行麓杖不依格令致使殞斃深可哀憐如有處分仍聞乖越自今已後非灼然蠹害不得輒加非理所司嚴加糾察以聞先是皇姨弟薛華因酒色之忿手刃三人棄屍於井事發繫獄賜自盡故有是詔八月丙申朔自夏四月連雨至此月京城米十八百文官出米二萬石減估而糶以惠貧民己卯虎入長壽坊

生將周皓引弩斃之冬十月乙卯以汝州刺史孟暉為京兆尹十一月辛未禁畿內弋獵乙亥門下侍郎同中書門下平章事衛國公杜鴻漸卒丙子以左僕射翼國公裴冕同中書門下平章事充東都留守河南淮南淮西山南東道副元帥十二月乙未勅左右補闕拾遺內供奉員左右各置兩員餘罷之戊戌裴冕卒辛酉勅京兆府稅宜分作兩等上等每畝稅一斗下等稅六升能耕墾荒地者稅二

年春正月乙丑朔辛卯以陝州節度使皇甫溫判鳳翔尹充鳳翔河隴節度使鳳翔節度使李抱玉判梁州事充山南西道節度使壬申河南尹張延賞兼御史大夫充東都留守罷河南淮南淮南山南東道副元帥所管軍隸東都留守二月戊戌李抱玉為其兵馬使臧玠所殺玠據潭州為亂澧州刺史楊子琳道州刺史裴虬衡州刺史楊濟各出軍討玠乙巳夜燄入軒轅丙午復置先農馬祖壇祀之丁未封幽州節度使朱希彩為高密郡王己未夜慧起五車長三丈庚



申宰臣太原尹王縉入朝五月辛未刑部侍郎黎幹為桂州刺史桂  
管防禦經略招討觀察等使已卯夜彗起北方其色白庚辰照禮儀  
使禮部尚書裴士淹為處州刺史戶部侍郎判度支第五琦為饒州  
刺史皆負朝恩黨也元載既誅朝恩下制罷使仍放黜之癸未以羽  
林大將軍辛京杲為潭州刺史湖南觀察使甲申西北白氣竟徙置  
當悉相靜恭五州於山險要害地備吐蕃也六月己未彗星始滅赦  
天下見禁囚徒秋七月丁卯以浙東觀察使越州刺史御史大夫薛  
兼訓為檢校工部尚書太原尹北都留守充河東節度使是月京城  
米斗一千文八月辛卯宦臣元載上疏請置中都於河中府秋杪行  
幸春中還京以避蕃戎侵寇之患疏入不報載疏大旨以開輔河東  
等十州戶稅入奉京師創置精兵五萬以威四方辭多押闕欲權歸  
於已也九月丁丑以宣歙池等州都團練觀察使宣州刺史兼御史  
中丞陳少遊充浙江東道團練觀察使吐蕃寇永壽汴州田神功來  
朝十二月乙未改巫州為涪州棗州為荊州

六年春正月己未朔戊寅於鄜州之析城置肅戍軍二月乙酉御  
大夫敬括卒夏四月丁巳上御宣政殿試制舉人至少策未成者令  
太官給燭俾盡其才己未澧州刺史楊子琳來朝賜名獸丁丑改泉  
州為兗州戊寅詔纂組文繡止害女紅師旅未息黎元空虛豈可使  
淫巧之風有虧常制其綾綿花文所織盤龍對鳳麒麟獅子天馬辟  
邪孔雀仙鶴芝草萬字雙勝透背及大縹綿竭鑿六破已上並宜禁  
斷其長行高麗白錦小花綾錦任依舊例織造有司明行曉諭五  
月癸卯以河南尹張延賞為御史大夫秋七月乙巳月掩畢八月乙  
卯南節度使韋元甫卒丙辰以東都副留守常休明為檢校左散  
騎常侍河陽三城使夏旱此月己未始雨庚午以御史大夫張延賞  
為揚州大都督府長史淮南節度使丙午以蘇州刺史浙江觀察使  
李栖筠為御史大夫丁丑獲白兔於太極殿之內廊庚辰夜月入紫  
微垣九月壬辰夜熒惑犯哭星自八月連雨害秋稼戊申於輪臺置  
靜塞軍辛亥熒惑入壁壘冬十月壬午滄州置橫海軍十一月己亥



文單國王婆彌來朝獻馴象一十一壬寅夜月入太微又掩氏十二月巳未江西觀察使檢校刑部尚書魏少遊卒庚午制以文單王婆彌為開府儀同三司試殿中監是歲春旱米斛至萬錢

七年春正月癸未朔戊子於魏州頓丘縣置澧州以頓丘縣之觀城店置觀城縣以張之清豐店置清豐縣并割魏州之臨黃縣並隸澧州以其州臨清縣之張橋店置永濟縣乙未月犯軒轅庚子以檢校戶部尚書路嗣恭為洪州刺史兼御史大夫江西觀察使辛丑太常卿楊綰兼充禮儀使甲辰迴紇使出鴻臚寺劫掠坊市吏不能禁止復三百騎犯金光朱雀等門是日皇城諸門皆閉慰諭之方止二月甲寅以兵部侍郎李涵為蘇州刺史兼御史中丞充浙西觀察使鎮星臨太微戊午夜月掩天關三月壬辰詔諫議大夫置四員為定四月甲寅迴紇王子李秉義卒歸國宿衛賜姓也五月乙酉雨雹大風折樹丙戌夜月入太微辛卯徙忻州之七聖容於太原府之紫極宮乙未詔躋於道者化淳而刑措善於理者網舉而網踈朕涉道未弘燭

理多昧常亦遐想太古高挹玄風保合太和在宥天下蓋德薄而未臻也是用因時以設教便俗以立防務盡平恕用申哀卹又化淺而多犯也加以邊虞未戢徃賦適繁荒廢之際寇攘斯起遂令園土嘉石之下積有繫囚竹章牙簡之中困於法吏屬盛陽之候大暑分蒸仍念狴牢何堪鬱灼所以汨傷和氣感致咎徵大道人事豈相遠也如聞天下諸州或憊時雨首種不入宿麥未登哀我矜人何時不忍皆由朕過益用懼焉惕然憂嘆深自咎責所以減膳徹樂別居齊宮禱于神明冀獲嘉應仲夏之月靜事無為以助晏陰以弘長養斷薄決小已過於麥秋繼長增高宜順乎天意可大赦天下見禁囚徒罪無輕重一切釋放癸亥以檢校禮部尚書蔣渙充東都留守六月庚戌朔有司言日蝕陰雲不見丁丑詔誠薄葬不得造假花果及金銀脫寶鈿等物秋七月癸巳迴紇蕃客奪長安縣令邵說所乘馬人吏不能禁八月庚戌賜北庭都護曹令忠姓名曰李元忠九月乙未工部尚書于休烈卒冬十月壬子上畋于苑中矢一發貫二兔從臣皆



賀辛未以權知幽州盧龍節度留後朱泚檢校左散騎常侍充幽州  
盧龍節度使丙子以大府卿呂崇賁為廣州都督充嶺南節度使十  
一月庚辰詔自頃蕃戎入寇巴南屢多征役其巴逢渠集壁充通間  
等州宜放二年租庸甲申以福建觀察使李承昭為禮部尚書華州  
刺史李琦為福州刺史福建都團練觀察使辛卯以嶺南節度李勉  
為工部尚書十二月丙寅雨土是夜長星出於參辛未滑州置永平  
軍壬子禁鑄銅器癸酉大雪是秋稔迴紇吐蕃大食渤海室韋靺鞨  
契丹奚牂牁康國石國並遣使朝貢

八年春正月丁丑朔壬午昭義軍節度檢校右僕射相州刺史薛嵩  
卒癸卯勅天下青苗地頭錢每畝十五文率京畿三十文自今一例  
十五文京官三品已上郎官御史每年各舉一人堪為刺史縣令者  
甲子御史大夫李栖筠彈吏部侍郎徐京五品以上各上封事言政  
得失是歲大有年己丑夜太白入太微甲午東都留守蔣瓊兼知東  
都貢舉戊戌以辰錦觀察使李昌巖為桂州刺史桂管防禦觀察使

大鳥見武功肉翅狐首四足有爪爪長四尺三寸毛赤如蝙蝠羣鳥  
隨而噪之神策將張白芬射斃以獻冬十月癸卯魏博田承嗣加同  
平章事丁巳夜月掩畢吐蕃寇涇州邠州甲子子儀先鋒將渾瑊與  
吐蕃戰于宜祿我師不利城與涇原馬璘極力追躡蕃軍潰去乙丑  
以江西觀察使路嗣恭為廣州刺史充嶺南節度使封翼國公以浙  
東觀察使越州刺史陳少遊為揚州大都督府長史充淮南節度使  
戊辰郭子儀奏破吐蕃十萬百寮稱賀十月己卯夜月入羽林癸巳  
月入太微十一月壬寅朔庚戌汴宋節度使田神功來朝辛酉淮西  
節度使李忠臣來朝十二月癸酉月入羽林自冬無雪是歲大有年  
九年春正月庚子朔壬寅汴宋節度使太子少師檢校尚書右僕射  
兼御史大夫汴州刺史田神功卒澧朗兩州鎮遏使澧州刺史揚猷  
擅浮江而下至鄂州詔許赴汝州遂泝漢而上復郢襄等州皆閉城  
拒之二月己丑以田神功弟神玉權知汴宋留後癸巳郭子儀自邠  
州來朝李抱玉自鳳翔來朝三月丙午禁畿內漁獵採捕自正月至



五月晦永爲常式戊子以澧州刺史楊猷爲泚州刺史丁卯幽州徐  
浩薛邕違格並停知選事壬申永平軍節度使檢校右僕射滑州刺  
史霍國公令狐彰卒遺表薦劉晏李勉代己丙子以工部尚書李勉  
兼御史大夫滑州刺史充永平軍節度滑毫觀察等使夏四月戊申  
乾陵上仙觀之尊殿有雙鵲啣紫泥補殿之隙缺凡十五處戊午以  
太僕卿吳仲孺爲鄂州刺史鄂嶽沔等州團練觀察使五月乙酉貶  
吏部侍郎徐浩明州別駕薛邕歙州刺史京兆尹杜濟杭州刺史皆  
坐典選也以太府卿于頔爲京兆尹辛卯鄭王邕薨贈昭靜太子壬  
辰曲赦京城繫囚癸卯詔赦天下繫囚死罪降從流流已下並放六  
月隴州華亭縣置義寧軍癸亥戶部侍郎判度支韓滉奏安邑鹽池  
生乳鹽是夏城奉天以備蕃寇秋七月己卯太白入東井乙未月掩  
畢八月甲寅詔吏部尚書劉晏知三銓選事己未吐蕃寇靈武庚午  
靈武奏蕃軍退去辛未幽州節度使朱泚弟滔率五千騎來朝請河  
西防秋詔千騎送於國門許自皇城南面出開遠門赴涇州行營九

月癸酉臨晉公主薨壬午嶺南節度使廣州刺史呂崇賁爲部將哥  
舒晃所殺癸未晉州男子郇謨以麻辯髮持竹筐及蓆席哭於東市  
請進三十字如不稱旨請累尸於席筐上召見賜衣館之禁中內二  
字曰監團欲去諸道監軍團練使也丁亥貶左巡使殿中侍御史楊  
護以其抑郇謨而不上聞也戊子詔節度朱泚加檢校戶部尚書身  
懷寧郡王夏四月丁丑月入太微己卯以桂管觀察使黎幹爲京兆  
尹兼御史大夫甲申中書舍人常衮率兩省官一十八人詣閣請論  
事詔三人引各盡所懷乙酉詔郭子儀等大閱兵師以備吐蕃壬辰  
詔赦大辟已下繫囚無輕重釋放乙未華陽公主薨上悲惜之羣日  
不聽朝宰臣抗疏陳請之庚戌廢洹州庚申詔度支使支七十萬貫  
轉運使五十萬貫和糴歲豐穀賤也乙丑詔四海之內方協大寧而  
戎無厭猶阻王命不可忘戰尚勞邊事朕頃以兵革之後軍國空耗  
躬率節儉務勤農桑上玄儲休仍歲大稔益用多愧不知其然雖屬  
此人和近於家給而邊穀未實戎備猶虛因其天時思致豐積將設



平糶以之餽軍然以中都所供內府不足租充常入之數豈齊倍餘之收其在方面蓋臣成茲大計其佐公家之急以資塞下之儲每道歲有防秋兵馬其淮南四千人浙西三千人魏博四千人昭義二千人成德三千人山南東道三千人荆南二千以湖南三千人山南西道二千人劔南西川三千人東川二千人鄂嶽一千五百人宣歙三千人福建一千五百人其嶺南浙東浙西亦合準例恐路途遠僻來增費各委本道每年取當使諸色雜錢及迴易利潤贖贖錢等項人計二十貫每道據合配防秋人數多少都計錢數市輕貨送納以備和糶仍以秋收送畢涇原節度使馬璘來朝丙寅加馬璘前書左僕射知省事璘諷將士進狀求宰相故有是授幽州節度使生進遣弟滔奉表請自入朝兼自率五千騎防秋許之詔所司築第待之己卯月掩南斗庚辰月入太微秋七月甲辰月掩房又入羽林久旱京兆尹致幹歷禱諸祠未雨又請禱文宣廟上曰丘之禱久矣八月辛未以魏州刺史宋晦為同州刺史充長春宮營田等使戊寅以陝州

督府長史皇甫溫為越州刺史充浙東觀察使辛卯月掩

九月庚子幽州節度使朱泚來朝乙巳渭北節度使坊州刺史讓卒是秋大雨冬十月壬申信安王瑄薨乙亥梁王璿薨以前宣州刺史李廣琛為右散騎常侍十一月戊戌大雪平地盈尺庚子以商州刺史李國清為陝州大都督府長史充陝州觀察使十二月庚寅以中書舍人楊炎祕書少監韋肇並為吏部侍郎中書舍人常袞為禮部侍郎壬辰赦京繫囚死罪降從流流已下並釋放

十年春正月乙未朔己酉昭義牙將裴志清逐其帥薛寧奔洛州上章待罪志清率眾歸田承嗣壬寅壽王瑁薨乙未朱泚抗表乞留京師西征吐蕃請以弟滔權為幽州留後許之以昭義將薛擇為相州刺史薛雄為衛州刺史薛堅為洺州刺史皆高之族人也戊申遣使慰諭田承嗣令各守封疆承嗣不奉詔壬子兗州復為果州癸丑田承嗣盜取洛州又破衛州二月乙丑盜殺衛州刺史薛雄丙寅罷辰錦溪樊五州經略使復隸黔中辛未制第四子述封睦王充嶺



南節度度支營田五府經略觀察處置等大使第五子逾可封柳王  
充渭北鄜坊等州節度大使第六子連封恩王第七子韓王迥可充  
汴宋節度大使第八子邁可封鄜王第十三子造封忻王充昭義節  
度大使第十四子暹封韶王十五子運封嘉王十六子遇封端王十  
七子適封循王十八子通封恭王十九子達封原王二十子逸封雅  
王並可開府儀同三司不出閣丙子以華州刺史李承昭為相州刺  
史知昭義兵馬留後時田承嗣盡盜入相衛所管四州之地自署長  
吏是日河陽軍亂逐城使常休明迫牙將王惟恭為留後軍士大掠  
數日休明奔東都甲申以平盧淄青節度觀察海運押新羅渤海兩  
蕃等使檢校工部尚書青州刺史李正己檢校尚書左僕射前隴右  
節度副使隴州刺史馬燧為商州刺史充本州防禦使三月甲午陝  
州軍亂逐觀察使李國清縱兵大掠國清卑詞遍拜將士方免禍一  
夕而定已巳薛寧常休明至闕下素服待罪丁未以左散騎常侍孟  
暉為棗州刺史充潼關防禦使庚戌熒惑入壁壘八月太常寺左

州府所用斛秤當寺給銅斛科州府依樣製造而行從之乙未制  
博節度使開府儀同三司太尉檢校尚書左僕射同中書門下平章  
事魏州大都督府長史上柱國鴈門郡王田承嗣可貶永州刺史仍  
詔河東鎮冀幽州淄青淮西滑亳汴宋澤潞河陽道出師進討甲申  
大雨雹暴風拔樹飄屋瓦落鴟吻人震死者十之二京畿損稼者七  
縣五月乙未田承嗣部將霍榮國以磁州歸癸卯劔南置昌州罷兩  
都貢舉都集上都停童子科六月辛未田承嗣遣其黨裴志清攻圍  
靈州為李寶臣所敗秋七月己未戶部尚書楊璿卒杭州大風海水翻  
潮溺州民五千家船千艘八月丁卯田承嗣上表請束身歸朝戊子  
夜月入太微乙丑田承嗣將盧子期攻磁州九月戊戌荆南節度使  
衛伯玉來朝壬寅宵京城繫囚戊申迴紇白晝殺人於市吏捕之拘  
於萬年獄其首領赤心持兵入縣劫囚而出斫傷獄吏月暈熒惑犯  
五車參東井等星癸丑吐蕃寇隴州鳳翔李抱玉擊退之戊午幽  
州節度使朱泚鎮奉天冬十月辛酉日有蝕之癸亥以商州刺史馬



燧檢校左散騎常侍河陽三城使甲子昭義節度使李承昭與盧子  
期戰於磁州清水縣大破之生擒子期以獻丙寅貴妃獨狐氏薨追  
贈曰貞懿皇后己丑尚書右僕射裴遵慶卒十一月辛卯新平公主  
薨丁酉田承嗣新署瀛州刺史吳希光以城降丁未路嗣恭攻破廣  
州擒哥舒晃斬首以獻

十一年正月庚寅朔田承嗣上表請罪壬辰遣諫議大夫杜亞使魏  
州宣慰許其自新辛亥劔南節度使崔寧奏大破吐蕃二十萬斬首  
萬級生擒首領一千一百五十人獻于闕下二月癸亥荆南節度使  
衛伯玉卒于京師戊子河陽軍復亂大掠三日監軍使冉廷蘭率兵  
斬其亂首方定戊申昌樂公主薨辛亥御史大夫李栖筠卒夏四月  
戊午朔丙子以浙西觀察使蘇州刺史御史大夫李涵知臺事充京  
畿觀察使己卯以前淮南節度使揚州大都督府長史御史大夫張  
延賞為江陵尹兼御史大夫充荆南節度使五月癸巳以永平軍節  
度使李勉為汴州刺史充汴宋等八州節度觀察畱後時汴將李

耀專殺濮州刺史孟鑒北連田承嗣故命勉兼領汴州授靈耀

刺史靈耀不受詔六月戊戌以李靈耀為汴州刺史充節度畱後秋

七月戊子夜暴雨平地水深盈尺溝渠漲溢壞坊民千二百家庚

寅田承嗣兵寇滑州李勉拒戰而敗八月丙寅幽州節度使朱泚加

同中書門下平章事李靈耀據汴州叛甲申命淮西李忠臣滑州李

勉河陽馬燧三鎮兵討之閏月丁酉太白經天九月乙丑李忠臣等

兵進營鄭州靈耀之衆來薄戰淮西兵亂乃退軍於滎澤戊辰淄青

李正己奏取鄆濮二州冬十月乙酉忠臣等軍破賊於中牟進軍又

敗賊於汴州郭外乃攻之乙丑承嗣遣姪悅率兵三萬援靈耀丙午

淮西河陽之師合擊田悅營其衆大敗悅脫身北走靈耀聞悅之敗

棄城遁走汴州平丁未滑將杜如江生擒靈耀而獻十二月丁亥加

平盧淄青節度使檢校尚書左僕射青州刺史饒陽王李正己為檢

校司空同中書門下平章事成德軍節度使太子太傅檢校尚書左

僕射隴西郡王李寶臣檢校司空同中書門下平章事庚寅涇原節



度使檢校尚書左僕射知省事扶風郡王馬璘卒丁酉以涇原節度副使試太常卿張掖郡王段秀實權知河東節度留後北都留守薛兼訓病故也昭義節度使李承昭抗表稱疾以澤潞行軍司馬李抱玉權知磁邢兵馬留後庚戌加淮西節度檢校右僕射安州刺史西平郡王李忠臣檢校司空同中書門下平章事仍兼汴州刺史

十二年春正月甲寅朔辛酉以四鎮北庭涇原節度副使知節度使事張掖郡王段秀實為涇州刺史兼御史大夫充本州團練使月掩軒轅渤海使獻日本國舞女十一人癸酉夜月掩心前大星又入南斗魁京師旱分命祈禱二月戊子淄青節度使李正己之子納為青州刺史充淄青節度留後丁未以朗州刺史李國清為黔州刺史經畧招討觀察使三月乙卯河西隴右副元帥鳳翔懷澤潞秦隴等州節度觀察等使兵部尚書同中書門下平章事潞州大都督府長史知鳳翔府事上柱國涼國公李抱玉卒壬戌月入太微癸亥以太原少尹河南節度行軍司馬權知河東留後鮑防為太原尹御史大夫充

北都留守河東節度使戊辰夜月逼心前星庚午左降官永州刺史田承嗣復授魏博節度使官並如故承嗣姪悅子綰緒綸並復舊官庚辰宰相元載王縉得罪下獄命吏部尚書劉晏訊鞫之辛巳制中書侍郎平章事元載賜自盡門下侍郎平章事王縉貶括州刺史夏四月壬午以朝議大夫守太常卿兼修國史楊綰為中書侍郎尚書禮部侍郎集賢院學士常袞為門下侍郎並同中書門下平章事癸未以右庶子潘炎為禮部侍郎貶吏部侍郎楊炎為遠州司馬元載黨也諫議大夫知制誥韓洄王定包佶徐璜戶部侍郎趙縱大理少卿裴翼太常少卿王統起居舍人韓會等十餘人皆坐元載貶官也給事中杜亞使魏州賜田承嗣鐵券癸巳以前秘書監李揆為睦州刺史揆故宰相為元載所忌二十年流落丐食江湖間載誅方得為郡又召顏真卿於湖州亦載所忌斥外也乙未月掩心前星丁酉西川破吐蕃於望漢城擒蕃將大籠官論器然以獻壬寅以前高州刺史烏崇備為安南都護本管經略使渤海奚契丹室韋靺鞨並遣使朝貢



已酉加京官料錢文武班諸司共二千七百九十六員文官一千八百五十四員武官九百四十二員歲加給一十五萬六千貫并舊給凡二十六萬貫以關內副元帥兵馬使渾瑊兼邠州刺史五月辛亥罷天下州團練守捉使各甲寅諸道邸務在上都名曰畱後改為進奏院丙辰夜月入太微辛酉貶刑部尚書王昂連州刺史昂至萬州卒庚午勅毀元載祖父墳剖棺棄骸焚毀私廟主於大寧里甲戌以前安南鄒獲張伯儀為廣州刺史兼御史大夫充嶺南節度使六月癸巳時小旱上齋居祈禱聖體不康是日不視朝秋七月戊午罷潤州丹陽軍蘇州常州軍已巳中書侍郎同中書門下平章事集賢殿崇文館大學士兼修國史楊綰卒八月癸巳賜東川節度使鮮于叔明姓李氏癸卯宰臣讓賜食先是元載王縉輔政每日賜食因為故事至是常袞等上表云殮錢已多更頒御膳胡顏自安乞停賜食從之中辰以湖州刺史顏真卿為刑部尚書乙巳以久雨宥常參百官不許御史點班九月乙卯許以庶人禮葬元載辛酉以涇原節度副

使段秀實為四鎮北庭行營涇原鄭棣等節度使庚午吐蕃寇坊州掠党項羊馬而去是秋宋毫陳滑等州水冬十月丁亥戶部侍郎判度支韓滉言解縣兩池生瑞鹽乃置祠號寶應靈慶池壬寅夜月掩昴又入太微乙巳以滑州牙將劉洽為宋州刺史京兆尹黎幹奏水涇田三萬一千頃度支使韓滉奏所損不多兼渭南令劉藻曲附滉亦云部內田不損差御史趙計檢渭南田亦附滉云不損上曰水旱咸均不宜渭南獨免復命御史朱敖檢之渭南損田三千頃上歎息曰縣令職在字人不損亦宜稱損損而不聞豈有卹隱之意耶劉藻趙計皆貶官十一月癸丑太白臨哭星乙卯夜月入羽林癸酉以右散騎常侍蕭昕為工部尚書刑部尚書顏真卿獻所著韻海鏡源三百六十卷十二月丁亥西川崔寧奏於西山破吐蕃十萬斬首八千生擒九百人巳亥天下仙洞靈迹禁樵捕庚子以幽州節度使朱泚兼隴右節度副大使權知河西澤潞行營兵馬事京兆尹請修六門堰許之



十三年春正月戊申朔辛酉壞白渠碾磴八十餘所以奪農溉田也  
壬戌刑部尚書魯郡公顏真卿三抗章乞致仕不允淄青節度使李  
正己請附屬籍從之戊辰迴紇寇太原鮑防與之戰我師不利朱泚  
徙封遂寧郡王二月庚辰代州都督張光晟擊迴紇戰于羊武谷破  
之北人乃安己亥吐蕃寇靈武甲辰太僕寺佛堂有小脫空金剛右  
臂忽有黑汗滴下以紙承之色類血三月甲寅河陽將士劫迴紇輜重  
因與相鬪縱兵大掠久之方定四月丁亥以浙西觀察畱後李道昌  
為蘇州刺史兼御史中丞充浙西都團練觀察使己丑以前浙西觀  
察使李涵為御史大夫甲辰吐蕃寇靈州朔方畱後常謙光擊敗之  
五月戊午宦官劉清潭賜名忠翼六月戊戌隴右節度使朱泚於軍  
士趙貴家得猫鼠同乳不相害籠而獻之秋七月壬子中書舍人崔  
祐甫知吏部選事癸丑劍南節度使崔寧加檢校司空東川李叔明  
加檢校工部尚書辛未吐蕃寇鹽州慶州八月甲戌朔成德軍節度  
使李寶臣抗章請復本姓張氏從之冬十月丁酉葬貞懿皇后於莊

陵十一月丁卯日長至有司祀昊天上帝於南郊上不視朝故也十  
二月丙戌以吏部尚書劉晏為左僕射判使如故以給事中杜亞為  
洪州刺史兼御史中丞充江西觀察使以江西觀察使路嗣恭為兵部  
尚書是歲郴州黃山崩墜死者有數百人

十四年春正月壬寅朔壬戌以楚州刺史李泌為澧州刺史二月癸  
未魏博七州節度使太尉檢校尚書左僕射同中書門下平章事魏  
州大都督府長史田承嗣卒甲申以魏博中軍兵馬使左司馬田悅  
兼御史中丞充魏博節度使三月丁未汴宋節度使李忠臣為麾  
下將族姪李希烈所逐忠臣狼狽歸朝上以忠臣立功於國乃授檢  
校司空同平章事庚戌以河南尹嚴郢為京兆尹河中少尹知府事  
趙惠伯為河南尹辛酉以前容管經略使容州刺史王雄為河中少  
尹知府事夏四月癸未成德軍節度使張寶臣復請姓李從之五月  
癸卯上不康至辛亥不視朝北都畱守鮑防以比庭歸朝辛酉詔皇太  
子監國是夕上崩于紫宸上內殿遺詔皇太子柩前即位壬戌遷神



柩于太極殿發喪八月庚申羣臣上尊諡曰睿文孝武皇帝廟號代宗十月己酉葬於元陵十二月丁酉祔於太廟

史臣曰嗚呼治道之失也若河決金堤火炎崑崗雖神禹之乘四載玄冥之灑八瀛亦不能堙洪濤而撲烈焰者何也良以勢既壞而不能遽救也觀夫開元之治也則橫制六合駿奔百蠻及天寶之亂也天子不能守兩都諸侯不能安九牧是知有天下者治道其可忽乎明皇之失馭也則祿山暴起於幽陵至德之失馭也則思明再陷於河洛大曆之失馭也則懷州亂於犬戎自三盜合從九州盡沸軍士膏於原野民力殫於轉輸家相弔人不聊生而子儀號泣於用兵元載殷憂於避狄然而代宗皇帝少屬亂離老於軍旅識人間之情偽知稼穡之艱難內有李郭之効忠外有昆戎之幸利遂得兇渠傳首叛黨革心闕輔載寧撫戎漸弭至如稔輔國之惡議元振之罪去朝恩之權不以酷刑俾之自咎亦立法念功之言也罪已以傷僕固徹樂而悼神功懲緝載之茲回重衮縮之儒雅脩己以讓星變側身

以謝咎徵古之賢君未能及此而有李靈耀作梗田承嗣負恩命將出軍勞師弊賦者蓋陽九之未泰豈君道之過歟

贊曰羣盜方梗諸戎競侵猛士嘗膽忠臣痛心掃除沴氣敷衍德音延洪納祉帝慮何深

唐書本紀卷第十一



唐書本紀卷第十二

德宗上

劉 昫 等修  
聞人詮校并沈桐圃校

德宗神武孝文皇帝諱适代宗長子母曰睿<sup>真</sup>皇后沈氏天寶元年  
四月癸巳生於長安大內之東宮其年十二月拜特進封奉節郡王  
代宗即位之年五月以上為天下兵馬元帥改封魯王八月改封雍  
王時史朝義據東都十月遣上會諸軍於陝州大舉討賊十一月  
破賊於洛陽進收東都河南平定朝義走河北分命諸將追之俄而  
賊將李懷仙斬朝義首以獻河北平以元帥功拜尚書令食實封二  
千戶與郭子儀等八人圖形凌煙閣廣德二年二月立為皇太子大  
曆十四年五月辛酉代宗崩癸亥即位於太極殿閏月壬申貶中書  
舍人崔祐甫為河南少尹甲戌貶門下侍郎平章事常袞為潮州刺  
史召崔祐甫為門下侍郎同中書門下平章事丙子詔諸州府新羅



渤海歲貢鷹鷄皆停戊寅詔山南枇杷江南柑橘歲一貢以供宗廟  
餘貢皆停庚寅以兵部尚書路嗣恭為東都留守以常州刺史蕭復  
為潭州刺史湖南團練觀察使辛巳罷邕府歲貢奴婢癸未改括州  
為處州括蒼縣為麗水縣停梨園使及伶官之冗食者三百人臣者  
皆隸太常劔南歲貢春酒十斛罷之甲申以司徒兼中書令河中尹  
靈州大都督單于鎮北大都護充關內河東副元帥朔方節度關內  
支鹽池六城水運大使押諸蕃部落管內及河陽等道觀察使上柱  
國汾陽郡王山陵使食實封一千九百戶郭子儀可加號尚父守太  
尉餘官如故加實封通前二千戶月給一千五百人糧馬二百匹草  
料以朔方都虞候李懷光為河中尹邠寧慶晉絳慈隰等州節度觀  
察使以朔方右留後常諶光兼靈州大都督西受降城定遠軍天德  
鹽夏豐節度等使以朔方左留後單于副都護渾瑊為單于大都護  
振武東軍中二受降城鎮北及綏銀麟勝等軍州節度營田使丙戌  
詔禁天下不得貢珍禽異獸銀器勿以金飾丁亥詔文單國所獻舞

象三十二令放荆山之陽五坊鷹犬皆放之出宮女百餘人已丑  
右羽林大將軍吳希光檢校散騎常侍兼御史中丞充渭北郵坊丹  
延都團練觀察使辛卯以河陽三城鎮遏使馬燧檢校工部尚書兼  
太原尹御史大夫北都留守河東節度使壬辰以河東節度留後鮑  
防為京畿觀察使陳州刺史李芾檢校太常少卿為東陽三城鎮遏  
使癸巳以壽州刺史杜亞為江西觀察使甲午冊太尉子儀自開元  
以來冊禮多費天寶中楊國忠冊司空至是行子儀之冊以江西觀  
察使杜亞為陝州長史充轉運使丙申詔兵部侍郎黎幹嘗若豺狼  
持進劉忠翼掩義隱賊並除各長流既行俱賜死丁酉以京畿觀察  
使鮑防為福州刺史福建都團練觀察使以戶部侍郎判度支韓滉為  
太常卿吏部尚書劉晏判度支鹽鐵轉運等使初晏與滉分掌天下  
財賦至是晏都領之六月己亥朔御丹鳳樓大赦天下罪無輕重咸  
赦除之內外文武三品已上賜爵一級四品已下加一階致仕官同  
見任百姓為戶者賜古爵一級加李正司徒太子太傅崔寧李勉本



官同平章事天下進獻事緣郊祀陵廟所須依前勿闕餘並停諸州刺  
史上倭今後准式入計諸州刺史常叅官父在未有官量與五品致  
仕官父亡歿與追贈自至德已來別勅或因人奏或臨事頒行差互  
不同使人疑惑中書門下與詳定官決取堪久長行用者編入格條  
自今更不得奏置寺觀及度人庚子封元子誦為宣王次子謨為舒  
王謚為通王諒為慶王詳為肅王並加開府儀同三司乙巳封皇弟  
廼為益王迅為隨王丙午舉先天故事非供奉侍衛之官自文武六  
品已上清望官每日二人更直待制以備顧問仍以延英南藥院故  
地為解癸丑詔皇族五服等已上居四方者家一人赴山陵縣次給  
食已未揚州每年貢端午日江心所鑄鏡幽州貢麝香皆罷之辛酉  
罷宣歙池鄂嶽沔二都團練觀察使陝虢都防禦使以其地分隸諸  
道復置東都京畿觀察使以御史中丞為之壬戌處州刺史王縉湖  
州刺史第五琦皆為太子賓客睦州刺史李揆為國子祭酒並留司  
東都中官邵光超送淮西旌節李希烈遺縑七百匹事發杖六十配

流由是中官不敢受賂癸亥詔中書門下御史臺五品已上諸司三  
品已上長官各舉可任刺史縣令者人中書門下量才進擬有犯坐  
舉主秋七月戊辰朔日有蝕之禮儀使吏部尚書顏真卿奏列聖謚  
號文字繁多請以初謚為定兵部侍郎袁倓議云陵廟玉冊已刻不  
可輕改罷倓奏不知玉冊皆刻初謚而已庚午詔邕州所奏金坑  
誠為潤國語人以利非朕素懷其坑任人開採官不得禁辛未以吏  
部侍郎房宗偃為御史中丞東都畿觀察使罷右銀臺門客省歲給  
廩料萬二千斛自永泰已來或四方奏計未遣者或上書言事忤旨  
者及蕃客未報者常數百人於客省給食橫費已甚故罷之王申毀  
元載馬磷劉忠翼之第以其雄侈踰制也癸酉減宮中服御常貢者  
千數丁丑復置厩馬隨仗於月華門外已卯詔王公卿士不得與民  
爭利諸節度觀察使於揚州置迴易邸並罷之庚辰詔鴻臚寺蕃客  
入京各服本國之服罷商州歲貢稿膠辛卯罷天下榷酒丁酉詔國  
用未給其宣王已下開府俸料皆罷給八月庚辰以門下侍郎平章



事崔祐甫為中書侍郎平章事以道州司馬司正楊炎為門下侍郎平章事以懷州刺史喬琳為御史大夫同平章事京畿觀察使乙巳遣太常少卿韋倫使吐蕃以蕃俘五百人還之修好也癸亥詔人死於外以棺柩還城者勿禁九月甲戌以淮西節度為淮寧軍辛巳以檢校刑部尚書白孝德為太子少傅丙戌秘書少監邵說為吏部侍郎給事中劉迺為兵部侍郎中書舍人令狐峘為禮部侍郎冬十月丁酉朔吐蕃合南蠻之眾號二十萬三道寇茂州扶文黎雅等州連陷郡邑發兵四千助蜀大破之己酉葬代宗於元陵戊午九成宮貢立獸炭鑪襄州貢種蔗弱之工皆罷之散官秦猪三十頭給貧民十一月辛未以鴻臚卿賈耽為梁州刺史山南西道節度觀察使丁丑以陝州長史杜亞為河中尹河中晉絳慈隰都防禦觀察使壬午御史大夫平章事喬琳為工部尚書罷知政事加劔南西川節度觀察度支營田等使檢校司空平章事成都尹崔寧兼御史大夫京畿觀察使癸巳加崔寧兼靈州大都督單于鎮北大都護朔方節度等使

出鎮坊州以荆南節度使檢校禮部尚書兼江陵尹御史大夫張  
賞檢校兵部尚書兼成都尹御史大夫劔南西川節度度支營田觀  
察等使以朔方節度虞候杜希全為靈州留後以鄜州刺史張光晟  
單于振武軍使東中二授降城綏銀鄜勝等軍州留後延州刺史李建為  
鄜坊丹延留後楊炎素惡崔寧雖授以三鎮仍署此三人為留後奪  
寧之權也人皆憤之十二月己亥南選使可以專達勿復以御史臨  
之乙卯制宣王基可立為皇太子丙寅晦日有蝕之詔元日朝會不  
得奏祥瑞事建中元年春正月丁卯朔御合元殿改元建中群臣上  
尊號曰聖神文武皇帝己巳上朝太清宮庚午謁太廟辛未有事於  
郊立是日還宮御丹鳳門大赦天下自艱難以來徵賦名目頗多今  
後除兩稅外輒率一錢以枉法論常叅官諸道節度觀察防禦等使  
都知兵馬使刺史少尹畿赤令大理司直評事等授訖三日內於四  
方館上表讓一人以自代其外官委長吏附送其表付中書門下  
官闕以舉多者授之王府六殿上官及諸州縣有司可併省及諸官



咸亨軍事廢省天下子爲父後者賜勲兩轉已巳福建觀察使鮑防湖南  
觀察使蕭復讓憲官自兵興已來方鎮重任必兼臺省長官以至  
外府僚佐亦帶臺省銜至是除韓滉蘇州刺史杜亞河中少尹而領  
都團練觀察使不帶臺省兼官自是諸道非節度而兼憲官者皆讓  
甲午詔東都河南江淮山南東道等轉運租庸青苗鹽鐵等使尚書  
左僕射劉晏頃以兵車未息權立使名久勤元老集我庶務悉心瘁  
力垂二十年朕以征稅多門鄉邑凋耗聽于群議思有變更將置時  
和之理宜復有司之制晏所領使宜停天下錢穀委金部倉部中書  
門下陳兩司郎官准格式調度是月浚豐州陵陽渠二月丙申遣黜  
陟使一十一人分行天下癸卯以戶部郎中韓洄爲諫議大夫以涇  
原節度使段秀實爲司農卿已酉貶尚書左僕射劉晏爲忠州刺史  
癸丑昭義軍節度留後李抱真爲本道節度使甲寅貶史館修撰禮  
部侍郎令狐峘郴州司馬右補闕柳冕巴州司戶日本國朝貢癸亥  
朱泚兼四鎮北庭行軍涇原節度使三月丙寅禮儀使奏東都太廟

闕木主請造詔下議之不決庚午監察御史張著以法冠彈中丞  
郢浚陵陽渠匿詔不行削郢官著賜緋魚辛未左散騎常侍翰林  
士張涉放歸田里甲戌以前司農卿庾準爲江陵尹兼御史中丞荆  
南節度使癸巳以諫議大夫韓洄爲戶部侍郎判度支時將貶劉晏  
罷使名歸尚書省本司今又命洄判度支令金部郎中杜佑權勾當  
江淮水陸運使一如劉晏韓滉之則蓋楊炎之排晏也夏四月乙未  
朔涇原裨將劉文喜據城叛已亥地震辛未命江西觀察使崔昭冊  
命迴紇可汗戊申以福建觀察使鮑防爲熈州刺史江西團練觀察使  
癸丑上誕日不納中外之貢唯李正己田悅各獻縑三萬匹詔付度  
支妃父王景先駙馬高怡獻金銅像上曰有何功德非吾所爲退還  
之壬戌以衡州刺史嗣曹王臯爲潭州刺史湖南團練觀察使御史  
中丞元全柔爲杭州刺史五月甲子朔戊辰以太常少卿韋倫爲太  
常卿復使吐蕃已卯右金吾衛大將軍李通爲黔州刺史黔中經略  
招討觀察鹽鐵等使湖州刺史常袞爲福建觀察使涇州將劉光國



殺劉文喜降荆州平六月甲午朔中書侍郎同中書門下平章事崔祐甫卒辛丑蔡奉天城加試殿中監劉海賓兼御史中丞封樂平郡王海賓涇州將賞殺劉文喜也乙卯京兆尹源休使迴紇冊武義成功可汗秋七月丁丑罷內出孟蘭盆不命僧為內道場壬申以鴻臚寺左右威遠營隸金吾已丑忠州刺史劉晏賜自盡八月甲午振武軍使張光晟殺領蕃迴紇首頗突董統等千人收駝馬千餘繒錦十萬匹乃徵光晟歸朝以彭令芳代之乙未河中晉絳觀察使杜亞為睦州刺史丁未加朱泚中書令餘官使並如故以舒王謨為涇原節度大使尚書右丞孟皞為涇州刺史知畱後東棘烏蠻守來朝貢丁巳遥尊上母沈氏曰皇太后戊午以吏部尚書顏真卿為太子少師依前禮儀使改封嗣舒王藻為嗣郢王九月戊辰判度支韓洄奏請於商州紅崖台洛源監置十鑪鑄錢江淮七監每鑄一千費二千文請皆罷從之已卯雷冬十月甲午貶尚書左丞薛邕為連山尉坐賦也乙未太子少傅昌化郡王白孝德卒庚寅以睦王述為奉迎皇太后使

工部尚書喬琳為副十一月辛酉朔朝集使及貢使見於宣政殿與巴來四方州府不上計內外不朝會者二十有五年至此始復舊制州府朝集者一百七十三人詔每令分番二人待詔乙丑贈敬暉等五王官又贈張九齡司徒鍾紹京太子太傅戊寅諸王有官者初令出閣就班又出嫁嶽陽等一十縣主皆在諸王院久而未適人者上悉命以禮出降十二月辛卯韋倫使迴與吐蕃宰相論欽明思等五十五人同至獻方物修好也丁酉令詳定國以來將相功臣房玄齡等一百八十七人擢功績分為三等是歲戶部計帳戶總三百八萬五千七十有六歲入一千三百五萬六千七十貫鹽利不在此限二年春正月庚子戊辰成德軍節度恒定等州觀察使司空兼太子太傅同中書門下平章事恒州刺史隴西郡王李寶臣卒丙子以汴宋滑毫陳許等州觀察使檢校吏部尚書同平章事李勉為永平軍節度汴宋滑毫等州觀察等使以兵部尚書東都畱守路嗣恭為鄭汝陝河陽三城節度東畿觀察等使以宋州刺史劉洽為宋毫穎



節度使以鄭州隸永平軍自去年十月無雪至甲申方雨雪丁亥檢校戶部尚書張獻恭為東都留守以河南尹趙惠伯為河中尹河中  
晉絳磁隰都防禦觀察使以前鄭州刺史于頔為河南尹二月乙未  
以御史中丞盧杞為御史大夫京畿觀察使以桂管觀察使李昌巖  
為江陵尹兼御史大夫荆南節度使以前荆南節度使庾準為左  
丞甲辰以容州刺史盧嶽為桂州防禦觀察使乙巳以門下侍郎楊  
炎為中書侍郎同中書門下平章事以御史大夫盧杞為門下侍郎  
同中書門下平章事丙午以宋亳節度為宣武軍丁未以御史中丞  
袁高為京畿觀察使乙卯振武軍亂殺其帥彭令芳監軍劉惠光三  
月庚申朔築汴州城初大曆中李正巳有淄青齊海登萊沂密德棣  
曹濮兗鄆十五州之地李寶臣有恒定易趙深冀滄七州之地田承嗣  
有魏博相衛洛貝澶七州之地梁崇義有襄鄧均房復郢六州之地  
各聚兵數萬始因叛亂得位雖朝廷寵待加恩心猶疑貳皆運衡盤  
以自固朝廷增一城浚一池便飛語有辭而諸盜完城繕甲略

寧日至是田悅初稟命劉文喜殄除群兇震懼又奏計者還都無用  
與既歸皆構怨言先是汴州以城隘不容衆請廣之至是築城正  
田悅移兵於境為備故詔分汴宋滑為三節度移京西防秋兵九萬  
二千人以鎮關東又於偃城置澶州辛巳以汾州刺史王相為  
軍使東中二受降城鎮北綏銀麟勝等州畱後以萬年令崔渾為  
殿中少監使吐蕃夏四月巳酉朔省沔州庚寅襄州梁崇義兼同中  
書門下平章事巳亥省燕州順化州乙卯併平琴州為黨州丁巳既  
禮部侍郎于召桂州刺史御史中丞袁高韶州長史五月丙寅以軍  
興十一而稅已巳以淮寧軍節度使李希烈充漢南北諸道都知兵  
馬招撫處置等使封南平王庚寅以浙江西道為鎮海軍加蘇州刺  
史韓滉檢校禮部尚書潤州刺史充鎮海軍節度使浙江東西道觀  
察使以御史中丞一員為理匭使諫議大夫一員知匭使給事中  
書舍人為監考使辛丑尚父中書令汾陽郡王郭子儀薨丙午以  
檢校秘書少監鄭叔則為御史中丞東都畿觀察使壬子以懷鄭河



陽節度副使李芄為河陽三城懷州節度使仍割東畿五縣隸焉秋  
七月戊子朔詔曰二庭四鎮統任西夏五十七蕃十姓部落國朝以  
來相奉率職自關隴失守東西阻絕忠義之徒泣血相守慎固封略  
奉遵禮教皆侯伯守將交修共理之所致也伊西北庭節度觀察使  
李元忠可北庭大都護四鎮節度留後郭昕為安西大都護四鎮節  
度觀察使自河隴陷虜伊西北庭為蕃戎所隔間者李嗣業荔非元  
禮孫志直馬磷輩皆遙領其節度使名初李元忠郭昕為伊西北庭  
留後隔絕之後不知存亡至是遣使歷迴紇諸蕃入奏方知音信上  
嘉之其伊西北庭將士叙官仍超七資庚申以中書侍郎平章事楊  
炎為左僕射以前永平軍節度使張鎰為中書侍郎同中書門下平  
章事司空淮陽郡王侯希逸卒丁丑以河中尹闕播為給事中同州  
刺史李承為河中尹晉絳都防禦觀察使辛巳以邠寧節度使李懷  
振靈州大都督單于鎮北大都護朔方節度使以鄜坊丹延觀察  
使李建徽為坊州刺史鄜坊丹延都團練觀察使壬午以幽州

右節度使中書令朱泚為太尉田悅攻寇臨洛守將張元  
辛卯平盧淄青節度觀察使司徒太子太保同中書門下平章事  
正巳卒庚戌以中書舍人衛晏為御史中丞京畿觀察使壬子淮寧  
軍節度使李希烈攻襄陽誅梁崇義斬其同惡三十餘人九月辛酉  
以易州刺史張孝忠為恒州刺史充成德軍節度觀察使壬戌加李  
希烈同中書門下平章事癸亥兵部尚書翼國公路嗣恭卒甲子以  
晉絳觀察使李承為襄州刺史山南節度觀察等使戊辰以杭州刺  
史元全柔為黔中經略招討觀察等使冬十一月乙酉尚書左僕射  
楊炎貶崖州司馬尋賜死戊申加宣武軍節度使劉洽御史大夫徐  
州刺史李洧棄其帥李納以州來降十一月辛未宣武節度劉洽與  
神策將曲環大破李納之衆於徐州己巳詔成德軍節度都知兵馬  
使恒州刺史襲高麗朝鮮郡王李惟岳以其父寶臣有忠勞於王室  
淮岳墮墜父業茂棄國中經之中擅掌戎務外結兇黨益固茲謀  
不孝不忠宜肆原野前在身官爵乙亥貶戶部侍郎判度支韓洄



蜀州刺史以江淮轉運使度支郎中杜佑代判度支戶部事丁丑以陝州長史李齊為河中尹充河中晉絳防禦觀察使以商州刺史姚明敬為陝州長史本州防禦陸運使以權鹽鐵使戶部郎中包佶充江淮水陸運使將海州刺史王涉以州降十二月庚寅河中節度使馬燧檢校左僕射澤潞節度使李抱真檢校兵部尚書賞破田悅之功也丙申太子賓客王縉卒

三年春正月乙卯朔丙寅幽州節度使朱滔張孝忠破李惟嶽之兵於東鹿平未詔供御及太子諸王常膳有司宜減省之於是宰臣上言減堂厨百官月俸請三分省一以助軍從之庚辰追封皇叔信為宋王贈皇弟選荆王閏月丙申以文宣王三十七代孫齊賢為充州司功襲文宣公辛丑復置具負簿甲辰成德軍兵馬使王武俊殺李惟嶽傳首京師庚戌馬燧李抱真李芄破兵於恒水進攻魏州二月戊午惟嶽將定州刺史楊政義以州降加朱滔檢校司徒以張孝忠檢校兵部尚書易定滄三州節度使以檢校太子賓客王武俊檢校秘書

監恒州刺史恒異都團練觀察使康日知為趙州刺史深趙都團練觀察使三月丁亥贈故衛尉卿顏果卿司徒故常山太守袁綏謙左散騎常侍許州長史龐堅右散騎常侍故鞏縣主簿蔣清禮部侍郎贈故驍衛將軍代國公安金藏兵部尚書授其子承恩廬州長史乙未以徐州刺史李洎為徐沂海團練觀察使戊戌田悅洛州刺史田昂以城降以嶺南節度使張伯儀檢校兵部尚書兼江陵尹御史大夫荆南節度等使以容管經略使元瑒為廣州刺史嶺南節度使丙午貶京兆尹盧慈為撫州長史夏四月李納守德州將王士真守棣州將李長卿皆以城降庚申先陷蕃僧尼將士八百人自吐蕃而還士戍封朱滔為通義郡王朱滔王武俊與田悅合從而叛太常博士王元賓陳京以軍興庸調不給請借京城富商錢大率每商留萬貫並入官不一二十大商則國用濟矣判度支杜佑曰今諸道用兵戶費度支錢一百餘萬貫若獲五百萬貫纔可支給數月甲子詔京兆尹長安萬年令大索京畿富商刑法嚴峻長安令薛莘荷杖乘車



於坊市搜索人不勝鞭笞乃至自縊京師囂然如被盜賊搜括既畢計其所得纔八十萬貫少尹韋禎又取餽櫃質庫法拷索之纔及二百萬丁丑彭王傅徐浩卒贈太子少師戊寅以中書侍郎平章事張鑑兼鳳翔尹隴右節度使以代朱泚加泚實封五百戶賜竇氏名圍涇水上腴田及錦綵金銀器以安其意時滔叛故也壬午貶御史大夫嚴郢為費州長史杖殺左廵使殿中侍御史鄭詹鄴歲餘卒五月丙戌增兩稅鹽權錢兩稅每貫增二百鹽每斗增一百丁亥貶太子詹事邵說歸州刺史卒於貶所辛卯詔旃節度使李懷光率神策及朔方軍東討丙申詔故伊西北庭節度使楊休明故河西節度使周鼎故西州刺史李琇璋故瓜州刺史張銑等寄崇方鎮時屬殷憂固守西陲以抗戎虜殷身異域多歷歲年以迨于茲旅櫛方旋誠深追悼宜加寵贈以賁幽泉休明可贈司徒鼎贈太保琇璋贈戶部尚書銑贈兵部侍郎皆隴右牧守至德已來陷吐蕃而歿故至是西蕃方得歸葬也丁酉加河東節度使檢校左僕射馬燧同平章

澤潞李抱真檢校右僕射河陽李芑檢校兵部尚書神策營都李晟右散騎常侍賞破田悅功也乙巳貶戶部侍郎判度支杜佑蘇州刺史以中書舍人趙贊為戶部侍郎判度支辛亥易定節度名義武軍六月丁巳尚書左丞庾準卒甲子京師地震以左散騎常侍李涵為入迴紇弔祭使京兆少尹源休為光祿卿戊寅以前衢州刺史趙洵為尚書左丞右庶子柳載為右丞辛未朱滔王武俊兵救出悅至魏州北是日李懷光兵亦至馬燧抱真李芑等盛軍容迓懷光朱滔等慮其掩襲遽出兵懷光與之接戰於連陁山之西王師不利各還營壘賊乃壅河決水絕我糧道秋七月甲申以前振武軍使王胡為京兆尹以兵部郎中楊真為御史中丞京畿觀察使以括率商戶人情不安癸巳詔除已收納入庫外一切停已貯納者仍明置簿曆各給文牒後准元數却還甲午以前同州刺史蕭復為兵部侍郎庚子馬燧李懷光李抱真李芑等四節度兵退保魏橋朱滔王武俊田悅之衆亦屯於魏橋東南與官軍隔河對壘自五月不雨甲辰始雨



宣武節度李勉為檢校司徒懷寧李希烈檢校司空邠寧李懷光同  
平章事李光封開陽郡王八月丁未初分置汴東西水陸運兩稅鹽  
鐵事從戶部侍郎判度支趙贊奏也戊午太子賓客第五琦卒華西  
平西以涇原節度雷後姚令言為涇原節度使戊辰以江淮鹽鐵使  
太常少卿包佶為汴東水陸運兩稅鹽鐵使己巳加劔南西川節度  
使張延賞檢校吏部尚書甲戌以大理少卿崔縱為汴西水運兩稅  
鹽鐵使丁丑以禮儀使太子少師顏真卿為太子太師庚辰徐海沂  
都團練使李洧卒江淮訛言有毛人捕人食其心人情大恐九月丁  
亥以李洧部將高承宗為徐州刺史徐海沂都團練使判度支趙贊  
上言請為兩都江陵成都揚汴蘇洪等州置常平輕重本錢上至百  
萬貫下至十萬貫收貯斛斗匹段絲麻候貴則下價出賣賤則加估  
收糴權輕重以利民從之贊乃於諸道津要置吏稅商貨每貫稅二  
十文竹木茶漆皆什一稅以充常平之本己亥夜有猛獸入宣陽里傷  
二人詰朝獲之冬十月辛亥以湖南觀察使嗣曹王臯為洪州

江西節度使丙辰以吏部侍郎關播為中書侍郎同平章事都官員  
外郎樊澤使吐蕃迴與蕃相尚結贊約來年正月望日會盟清水丙  
子肅王祥薨十一月己卯以淮南節度使賈耽檢校工部尚書兼襄  
州刺史御史大夫山南東道節度使以興鳳團練使嚴震為梁州刺  
史山南西道節度使甲午以前山南東道節度使李丞為潭州刺史  
湖南觀察使是月朱滔田悅王武俊於魏縣軍壘各相推獎僭稱王  
號滔稱大冀王武俊稱趙王悅稱魏王又勸李納稱齊王僭署官名  
如國初親王行臺之制丁丑李希烈自稱天下都元帥大尉建興王  
與朱滔等四盜膠固為逆

四年春正月戊寅朔丁亥鳳翔節度使張鎰與吐蕃宰相尚結贊同  
盟于清水庚寅李希烈陷汝州執州將李元言而去東都震駭甲午  
遣顏真卿宣慰李希烈軍戊戌以龍武大將軍哥舒曜為東都畿汝  
節度使率鳳翔邠寧涇原等軍東討希烈丙午福建觀察使常袞卒  
二月戊申於河陽三城置河陽軍節度乙卯哥舒曜收汝州丁丑以工



部侍郎蔣鎮充禮儀使三月己卯復置沔州癸未以左散騎常侍孟  
皞為福建都團練觀察使辛卯嗣曹王臯擊李希烈將陳質之眾敗  
之收復黃州丁酉判南張伯儀與賊戰敗績嗣曹王收復蘄州夏四  
月庚申以永平宣武河陽等軍節度都統檢校司徒平章事李勉為  
淮西招討使襄陽帥賈耽江西嗣曹王等為之副甲子京師地震生  
黃白毛長尺餘丙子哥舒曜進軍至隸橋大震雷人死者十之三四  
乃退保襄城五月辛巳夜京師地震乙酉穎王璩薨乙巳滑濮二州  
黃河清滑州馬生角六月庚戌初稅屋間架除陌錢時馬燧李懷光  
李抱真李茂屯魏縣李晟屯易定李勉陳少遊哥舒曜屯懷汝間神  
策諸軍皆臨賊境凡諸道之軍出境仰給於度支謂之食出界糧月  
費錢一百三十萬貫判度支趙贊巧法聚歛終不能給至是又稅屋  
所吏秉筆持筭入人廬舍而抄計峻法繩之愁嘆之聲徧於天下秋  
七月甲申以國子祭酒李揆為禮部侍郎復其爵甲午以李揆為左  
僕射兼御史大夫為入吐蕃會盟使八月丁未李希烈率眾三萬攻

哥舒曜於襄城湖南觀察使李丞卒九月戊寅龍見於汝州之城  
丙戌李勉將唐漢臣劉德信喪師於扈澗汴軍自此不振東都危急  
冬十月丙午詔涇原節度使姚令言率涇原之師救哥舒曜丁未涇  
原軍出京城至漣水倒戈謀叛姚令言不能禁上令載繒綵二車遣  
晉王往慰諭之亂兵已陣于丹鳳闕下促神策軍拒之無一人至者  
與太子諸王妃主百餘人出苑北門右龍武軍使令狐建方教射於  
軍中聞難聚射士得四百人扈從其夕至咸陽飯數匕而過戊申至  
奉天己酉元帥都虞候渾瑊以子弟家屬至乃以城為行在都虞候  
神策軍使白志真為行在都知兵馬使以令狐建為中軍鼓角使金  
吾將軍侯仲莊為奉天防城使亂兵既剽京城屯於白華乃於晉昌  
里迎朱泚為帥稱大尉居含元殿上以奉天隘欲幸鳳翔壬子鳳翔軍  
亂殺節度使張鑑乃止癸丑李希烈陷襄城哥舒曜走洛陽乙卯賜  
檢校司空崔寧死丁巳以吏部尚書蕭復刑部侍郎劉從一諫議大  
夫姜公輔並以本官同中書門下平章事邠寧節度韓遊瓌與論惟



明率兵三千至纜入奉天賊軍亦至乃出拒之王師不利賊乘勝攻  
門自卯至午殺傷殆半會有草車在門外渾瑊令焚之賊衆遂退矣  
已賊三面攻城渾瑊力戰禦之方退大將呂希倩死之賊自丁未  
攻城至巳巳二十餘日矢石不絕十一月乙亥以隴右節度判官隴  
州留後殿中侍御史韋臯為隴州刺史兼御史大夫奉義軍節度使  
靈武留後杜希全鹽州刺史戴休顏夏州刺史常春合兵六千來援  
至漢谷為賊所敗而退賊由是攻城愈急矢石雨下死傷者衆人心  
危蹙上與渾瑊對泣朱泚據乾陵作樂下瞰城中詞多侮慢戊子賊  
造雲橋攻東北隅兵仗不能及城中憂恐相顧失色渾瑊預為地道  
及雲橋成城陷不得進瑊命焚之風迴燭轉橋焚而賊退朔方節  
度李懷光遣兵馬使張諂奉表言大軍將至乃令昇詔巡城叫呼歡  
聲動地賊不之測疑懼緩攻癸巳懷光軍次醴泉是夜賊解圍而去  
神策將李晟自定州率師赴難軍於渭橋甲午以商州都虞候王仙  
鶴權商州防禦使十二月壬戌貶門下侍郎平章事盧杞為新州司馬

貶行在都知兵馬使白志真為息州司馬戶部侍郎判度支趙贊為  
播州司馬癸亥以京兆少尹裴腆判度支甲子以湖南觀察留後趙  
憬為湖南觀察使乙丑以祠部員外郎陸贄為考功郎中金部員外  
郎吳通微為職方郎中翰林學士並如故以待御史吳通玄為起居  
舍人充翰林學士巳巳以河中尹李齊運為宗正卿庚午李希烈陷  
汴州以右庶子崔縱為京兆尹癸酉以中書侍郎平章事關播為刑  
部尚書司封郎中杜黃裳為給事中命給事中孔巢父淄青宣慰華  
州刺史董晉河北宣慰

興元元年春正月癸酉朔上在奉天行宮受朝賀詔曰立政興化必  
在推誠忘巳濟人不吝改過朕嗣服丕構君臨萬邦失守宗祧越在  
草莽不念率德誠莫追於既往永言思咎期有復於將來明徵其義  
以示天下小子懼德不嗣罔敢怠荒然以長於深宮之中暗於經國  
之務積習易溺居安忘危不知稼穡之艱難不恤征戍之勞苦致澤  
靡下究情不上通事既壅隔人懷疑阻猶昧省已遂用興戎徵師四



方轉餉千里賦車籍馬遠近騷然行賫居送衆庶勞止力役不息田  
萊多荒暴令峻於誅求疲民空於扞軸轉死溝壑離去鄉里邑里丘  
墟人煙斷絕天譴于上而朕不寤人怨于下而朕不知馴致亂階變  
起都邑賊臣乘覺肆逆滔天曾莫愧畏敢行凌偏萬品失序九廟震  
驚上累于祖宗下冒于蒸庶痛心靛面罪實在予永言愧悼若墜泉  
谷賴天地降祐人祗協謀將相竭誠爪牙宣力群盜斯屏皇維載張  
將弘遠圖必布新令朕晨興夕惕惟省前非乃者公卿百寮用加虛  
美以聖神文武之號被蒙暗寡昧之躬固辭不獲俯遂群議昨因內  
省良所瞿然自今已後中外書奏不得言聖神文武之號今上元統  
曆獻歲發祥宜革紀年之號式敷在宥之澤可大放天下改建中五  
年爲興元元年李希烈田悅王武俊李納咸以勳舊繼守藩維朕撫  
馭羣方致其疑懼皆由上失其道而下罹其災一切並與洗滌復其  
爵位待之如初仍即遣使宣諭朱滔以泚連坐路遠必不同謀永念  
舊勳務存弘貸如能效順亦與惟新朱泚反易天常盜竊名器暴犯

陵寢所不忍言獲罪祖宗朕不敢赦除泚外並從原宥應赴奉天并  
進收京城將士並賜名奉天定難功臣身有過犯減罪三等子孫過  
犯減罪二等先稅除陌間架等錢竹木茶漆等稅並停奉天昇爲赤  
縣分命朝臣諸道宣諭以奉天行營都團練使楊惠元檢校工部尚  
書丙戌以吏部侍郎蕭復爲門下侍郎同平章事以吏部侍郎盧翰  
爲兵部侍郎同平章事戊子命宰臣蕭復往山南荆南湖南江西嶽  
鄂浙江東西福建等道宣慰己丑以京兆尹裴腆爲戶部侍郎判度  
支丙申以山南東道行軍司馬樊澤爲襄州刺史山南東道節度使  
以渾瑊爲行在都統兵馬使以前趙州觀察使康日知兼同州刺史  
充奉誠軍節度使己丑詔六軍各置統軍一員秩從二品左右常侍  
各加一員左常侍加四員二月戊寅詔故司農卿張掖王段秀實  
滑州刺史李澄兼汴州刺史汴滑節度使是日李晟自咸陽移兵東  
渭橋避懷光也晟以懷光反狀已明請上幸蜀王武俊効順加中書



門下平章事兼幽州節度使令討朱滔吐蕃遣使來朝請以兵助國  
討逆乃令御史大夫于頔入蕃宣諭之甲子加李懷光太尉仍賜鐵  
券赦三死罪懷光怒曰凡人臣反逆乃賜鐵券今賜懷光是反必矣  
乃投之於地上命翰林學士陸贄曉諭之是日人心恐駭懷光奪楊  
惠元李建徽所將兵惠元被害丁卯車駕幸梁州留戴休顏守奉天  
以御史中丞齊映為沿路置頓使李晟大集兵賦以收復為已任李  
懷光患之移軍涇陽連朱泚欲同滅晟晟卑詞厚意致書諭之異其  
感悟懷光頗增愧懼三月甲申以秘書監崔漢衡為上都留守右散  
騎常侍于頔為京兆尹是日懷光燒營走歸河中其將孟涉段威勇  
等千人奔歸李晟丙戌以前饒州刺史社祐為廣州刺史嶺南節度  
使加神策節度使李晟兼京畿渭北鄜坊丹延節度觀察使庚寅車  
駕次城固唐安公主薨上愛女悼惜之甚壬申至梁州丁丑宣武節  
度使劉洽加同平章事己亥以行在都知兵馬使渾瑊檢校左僕  
射平章事靈州大都督充朔方節度使邠寧振武永平奉天

元帥是日詔授李懷光太子太保其餘官職並罷涇州亂牙將田悅  
鑿殺其帥馮河清自稱畱後四月辛丑朔時將士未給春衣上猶寒  
服漢中早熱左右請御暑服上曰將士未易冬服獨御春衫可乎俄  
而貢物繼至先給諸軍而始御之壬寅詔奉天隨從將士並賜號元  
從功臣以邠寧兵馬使韓遊瓌為邠寧節度使尚書左丞趙洵卒已  
巳以陝虢防遏使唐暉為河中尹河中同晉絳節度使御史大夫李  
齊運兼京兆尹魏博行軍司馬田緒殺其帥田悅詔贈悅太尉以緒  
為魏州長史魏博節度觀察使甲寅以諫議大夫平章事姜公輔為  
左庶子加劔南節度使張延賞同平章事以前山南東道節度使賈  
耽為工部尚書甲子入蕃使左僕射李揆卒於鳳州乙丑渾瑊與吐  
蕃將論莽羅之衆破賊將韓旻之衆於武功斬首萬級丙寅加李納  
平章事丁卯義王泚薨五月淮南節度使陳少遊加檢校司徒東川  
節度使李叔明太子太傅鎮海軍韓滉檢校右僕射癸酉涇下僉  
徐沂海團練使高承宗卒以其子明應知徐州事丙子李抱真于武



俊破朱滔於京城東南斬首三萬級擒偽相朱良祐李俊以獻朱滔  
遁歸幽州癸未嶽州李兼黔南元全柔桂管盧嶽加御史大夫嶽加  
中丞庚寅李納上章稟命乃贈李正巳太尉壬辰商州尚可孤破賊  
於藍田乙未安西四鎮節度使郭昕北庭都護李元忠加左右僕射  
是夜李晟自渭北移軍於光泰門外賊來薄我軍爭奮擊大敗之虜  
入光泰門斬馘數千計賊黨慟哭而入白華戊辰列陣於光泰門外  
遣騎將史萬頃往神麈村開苑墻二百餘步賊樹柵當之我軍爭柵  
雲合電擊與賊血戰賊黨大敗追擊至白華朱泚姚令言率眾萬餘  
遁去晟收復京城是日渾瑊與戴休顏亦破賊三千於咸陽韓游瓌  
追朱泚於涇州六月庚子朔昇相州為大都督府癸卯贈神策兵馬  
使楊惠元右僕射是日李晟上報城露布上覽之涕下霑襟涇州出  
遣更部侍郎班宏入京宣諭己酉加李晟司徒兼中書令實封一千  
戶駱元光尚可孤加檢校左右僕射皆實封五百戶以涇州將田希

金為涇州刺史涇原節度使癸丑詔以良州為興元府鄭縣為赤畿  
官各品制視京兆河南百姓給復二年見任官員加兩階耆老與版  
授鄭縣令賜緋加興元尹嚴震檢校右僕射實封一百戶加渾瑊  
侍中實封八百戶韓游瓌檢校左僕射實封四百戶戴休顏檢校右  
僕射實封二百戶考功郎中知制誥陸贄司封郎中知制誥吉中孚  
並為諫議大夫水部員外郎顧少連為禮部郎中並依前充翰林學士  
行在左右廂兵馬使令狐建時常春並加散騎常侍丙辰斬偽相李  
忠臣籍沒其家李晟奏受賊偽署同惡抵法之家所沒財物牛馬奴  
婢請以賞軍士從之戊午車駕還京發興元是日大雨及入斜谷晴  
霽從官將士懽然以為天助秋七月丙子車駕次鳳翔府詔放管內  
今年秋稅耆壽侍老八十已上各與版授刺史賜紫其餘版授上佐  
賜緋府縣置頓官考滿日放選受偽署官喬琳蔣鎮張光晟李通蔣  
鑑伏誅朱泚害郡王王子王孫七十七人於馬璘宅丁丑令所司具  
凶禮收殮於淨域寺庚辰詔李懷光往因職任頗著幹能朕嗣位之



初首加拔擢託為心膂授以節旄頃歲河朔不寧俾令征討任兼將  
相恩極丘山及朱泚猖狂擾亂京邑懷光迴軍赴難宗社再寧保佑  
朕躬厥功甚茂故元帥河中之權太尉中書之秩仍加實封爰及宗親  
人臣之榮孰可為比非朕於懷光不厚豈朕報懷光不崇賊寇未除  
猜嫌已構受朱泚姦兇之說聽張佖罔惑之言曾不沈思遂生疑阻  
交通逆孽殘害忠良朕志在推誠事皆掩覆禮遇轉厚委在益隆懷光  
都不改畜愈深不軌勅書慰問將士懷光並不令宣三軍咸欲收城  
懷光並不令出自云已共朱泚定約不能更事國家朕以眇身獲承  
鴻業務全大計移幸山南倉皇之間備歷危險據其罪狀情實難容  
然以解圍奉天其功不細昨又遣男璿謝罪請束身歸朝朕憫其知  
過之心念其赴難之効以功贖罪務在優恩今遣給事中孔巢父賫  
先授懷光太子太保勅牒往河中宣諭三日內便與懷光同赴上都  
如欲家口同行亦聽懷光自便朕必能保全終始寵待如初朔方將  
士嘗立大功子儀再收京城咸是此軍之功昨遠從河朔赴難奉天

逆賊畏威望風奔遁永言勞績朕不暫忘將士各竭忠謀橫迫脅朕  
每念痛心自咎比者君臣阻隔只為懷光一人懷光既請入朝尚捨  
其罪况諸將士並是功臣各宜坦然勿更憂慮先賜官封一切如舊  
壬午至自興元時渾瑊韓遊瓌戴休顏以其眾扈從李晟賂元光尚  
可孤以其眾奉迎步騎十餘萬旌旗連亘數十里都民僧道歡呼感  
泣李晟見於三橋自陳收城遲晚之咎伏地請罪上慰勞遣之丁亥  
赦天下賜李晟永崇里第女樂八人甲午命宰臣諸將送晟入新賜  
宮大坊樂京北府供帳食饌鼓吹導從京城以為榮觀八月辛丑詔  
許國為贈太尉段秀實樹碑立廟淄青節度使承前帶陸海運押新  
羅渤海兩蕃等使宜令李納兼之癸卯加司徒中書令今川郡王李  
晟兼鳳翔尹充鳳翔隴右節度等使涇原四鎮北庭行營兵馬副元  
帥改封西平郡王河東保寧軍節度使太原尹北都留守檢校司徒  
平章事北平郡王李勣為奉誠軍晉絳慈隰節度行營兵馬副元帥



以靈鹽節度使侍中兼靈州大都督樓煩郡王渾瑊為河中尹管絳  
節度使河中同陝虢等州及管内行營兵馬副元帥改封咸寧郡王  
時方命瑊與馬燧各出師討懷光故也甲辰以金吾大將軍杜希全  
為靈州大都督西受降城天德軍靈鹽豐夏節度營田等使以同絳  
節度使唐朝臣為鄜坊丹延等州節度使以保義軍節度使鳳翔尹  
李楚琳為金吾大將軍以奉義軍節度使隴州刺史韋臯為左金吾  
衛大將軍戊申以奉天行營節度使戴休顏為左龍武統軍己酉以延  
王玢隨王迅西平長公主薨發朝己未朔湖州刺史表高為給事中  
九月庚午宗正卿李琬卒賜渾瑊大寧里第并女樂五人詔宰臣諸  
將賜樂饋贈如送李晟入第故事壬午贈故右僕射致仕李涵太子  
太保乙亥王武俊加檢校司徒李抱真檢校司空並賜實封五百戶  
賞破朱滔之功也甲申以前嶺南節度使元琇為戶部侍郎判度支  
丁亥上顧謂宰臣曰今大盜雖除時猶多難宜廣延納以達下情近  
日諫官都無論奏自今每正衙及延英坐日常令朝臣三兩人面奏

時政得失庶有弘益也是秋螟蝗蔽野草木無遺冬十月乙丑馬燧  
收絳州戊辰令中官竇文場王希遷監左右神策軍都知兵馬使閏  
月庚午詔朕臨御萬方失於君道兵革不息于今五年閱衆庶之勞  
悔征伐之事而李希烈蔑義棄德反道虐人朕哀彼生靈陷于塗炭  
苟存拯物不憚屈身故於歲首持布新令赦其殊死待以至誠使臣  
纒及於郊圻巨猾已聞其僭竊酷烈滋甚吞筮無狀將相大臣咸懷  
憤激繼陳章疏固請討除朕以所行天誅本去人害兵戈既棲玉石  
難分言念勲臣橫遭脅制雖思改革厥路無由受汚終身嚼冤沒代  
淪胥以逞誠可痛傷豈孽自一夫而毒流萬姓為人父母寧不愧懷  
且令諸道節度使明行曉諭罪止元兇脇制之徒一切不問唐朝臣  
女收永樂縣癸酉以右龍武大將軍李觀為涇州刺史涇原節度使  
乙亥詔宋亭淄青澤潞河東恒冀幽易定魏博等八節度螟蝗為害  
農民饑饉每節度賜米五萬石河陽東畿各賜三萬石所司般運於  
秦州分付丁丑李晟至涇州誅節度使田希鑿罪其殺馮河清也戊



子希烈將李澄以滑州歸國甲午以李澄為汴州刺史汴滑節度使  
封武威郡王神策行營節度使檢校尚書右僕射馮翊郡王尚可孤  
卒十一月癸卯宋毫節度使劉洽與曲環破希烈之衆於陳州俘斬  
三萬級生擒賊將翟崇暉以獻戊午劉洽大破希烈之衆擒其偽相  
鄭真等五人以獻希烈遁歸蔡州汴州平乙丑宰相蕭復三上章乞  
罷免許之十二月乙亥淮南節度使檢校司空平章事陳少遊卒贈  
蕭定太子太師以壽州刺史張建封為濠壽都團練使庚辰以刑部  
侍郎杜亞為揚州長史淮南節度使戊子以吏部郎中崔造為給事  
中辛卯以諫議大夫陸贄為中書舍人依前翰林學士詔翰林學士  
朝服班序宜同諸司官知制誥例

貞元元年正月丁酉朔御含元殿受朝賀禮畢宣制大赦天下改元  
貞元戊戌大風雪寒去秋螟蝗冬旱至是雪寒甚民饑凍死者踣於  
路丁未以饒州刺史盧慈為福州刺史福建觀察使癸丑始聞太子  
太師魯郡王顏真卿為希烈所害追贈司徒廢朝五日諡曰文忠仍

授男顏頤等官壬戌以吉州長史盧杞為澧州別駕尋卒二月  
遣工部尚書賈耽侍郎劉太真分往東都兩河宣慰河南河北  
饑米斛千錢癸未李抱真嚴振來朝寒食節上與諸將擊鞠於內殿  
丙戌以檢校秘書監金良相為檢校太尉使持節大都督維林州刺  
史寧海軍使襲封新羅王辛卯大雨三月丙申朔以蜀州刺史韓洄  
為兵部侍郎以汴東水陸運等使左庶子包佶為刑部侍郎辛丑戶  
部侍郎判度支元琇兼諸道水陸運使丁未李希烈陷南陽殺首將  
黃金嶽甲寅詔宰臣宣諭御史今後上封彈奏人自陳論不得群署  
章疏戊午宣武帥劉洽檢校司空以汴滑節度使李澄為滑州刺史  
充鄭滑節度使加李納司空夏四月乙丑朔晉王誼改封舒王癸酉  
觀察使李謙為洪州刺史江西都團練觀察使丁丑以江西節  
度使嗣曹王臯為江陵尹荆南節度使已卯改滑州永平軍名曰義  
成江陵度支院失火燒租賦錢穀百餘萬時關東大饑賦調不入由  
是國用益窘關中饑民蒸蝗蟲而食之汴帥劉洽賜名玄佐五月癸



卯分命朝臣禱羣神以祈雨蝗自海而至飛蔽天每下則草木及畜  
毛無復孑遺穀價騰踊辛酉以河陽都知兵馬使雍希顏為河陽懷  
都團練使六月丙子以兵部侍郎韓洄為京兆尹辛巳劉玄佐兼汴  
州刺史壬午以工部尚書賈耽兼御史大夫東都留守都畿汝州防  
禦使以汴州刺史薛珏為河南尹辛卯以左金吾衛大將軍韋臯檢  
校戶部尚書兼成都尹御史大夫劔南西川節度觀察使以國子祭  
酒董晉為左金吾衛大將軍幽州朱滔卒贈司徒秋七月甲午朔河  
東節度使馬燧自河中行營來朝庚子大風拔樹辛丑以左散騎常  
侍李泌為陝州長史陝虢都防禦觀察陸運使丙午以鎮海軍浙江東  
西道節度使韓滉檢校尚書左僕射同平章事江淮轉運使以河南  
尹薛珏為河南水陸運使戊申馬燧還行營辛亥加檢校工部尚書  
王士真為德棣都團練觀察使壬子以前涿州刺史兼御史中丞劉  
平為幽州御史大夫幽州盧龍節度副大長史兼使知節度管理度  
支營田觀察押奚契丹經略盧龍等軍使丁巳以左散騎常侍柳渾

為兵部侍郎庚申以諫議大夫高叅為中書舍人關中蝗食草木都  
盡旱甚灑水將竭井多無水有司計度支錢穀纔可支七旬甲子詔  
夫人事失於下則天變形於上咎徵之作必有由然自頃已來災沴  
仍集雨澤不降綿歷三時蟲蝗繼臻彌亘千里菽粟翔貴稼穡枯瘁  
嗷嗷蒸人聚泣田畝興言及此實切痛傷徧祈百神曾不獲應方悟  
禱祠非救災之術言詞非謝譴之誠憂心如焚深自刻責得非刑法  
外繆患良鬱湮暴賊未蠲勞師靡息事或無益而重為煩費任或非  
當而橫肆侵蝕有一於茲足傷和氣本其所以罪實在予萬姓何辜  
重罹饑殍所宜出次貶食節用緩刑側身增脩以謹天戒朕自今視  
朝不御正殿有司供膳並宜減省不急之務一切停罷除諸軍將士  
外應食糧人諸色用度本司奉使長官商量減罷以救兇荒俟歲豐  
登即令復舊甲子李懷光大將尉珪以佳讎堡降丁卯懷光將徐連光  
以長春宮兵六千人降甲戌朔方大將牛勳斬李懷光傳首闕下  
馬燧收復河中丁卯始雨己卯詔朕誠信未著撫御失宜致使功臣



陷於誅戮謂之克敵能不愧心然以懷光一家在法無捨念其昔居將相嘗寄腹心雖挂於刑書功已藏於王府以千紀之迹固合減身以赴難之勲所宜有後宜以懷光男一人為嗣賜莊宅各一區仍還懷光屍首任其收葬懷光妻諸兒女遞送澧州委李臯遠便安置使得存立其出嫁女諸親並釋放陷賊將士一切並與洗雪河中絳百姓給復一年北平王馬燧咸寧王渾瑊並與一子五品正官燧可侍中瑊可檢校司空駱元光韓遊瓌唐朝臣各賜實封二百戶與一子六品正官昨河中行營將士共賜二十萬端匹以充宴賞放歸本道新除中書侍郎平章事張延賞為尚書左僕射時宰相劉從一病詔徵延賞李晟與延賞有隙自鳳翔上表論之延賞罷鎮西川還行至興元改授左僕射戊子前河陽節度使檢校尚書左僕射開封郡王李芑卒九月己亥幽州節度劉怱病請以子濟權知軍州事從之癸卯以牛名俊為丹州刺史御史大夫崔縱奏往制勘會內外官員商量併省停減詳議聞奏者伏以兵戎未息仕進頗多在官者

既合序遷有功者又須褒賞比來每至選集不免據闕畱人嘗歎才仍招怨望况有恩詔甄錄功勞諸道叙優人數甚廣見須處置不可稽畱今若停減吏員實恐未便於事非但成優者無官可授抑叙進者無路可容本冀使人翻成歎怨事仍舊貫以適時宜更待事然後經度制從之乙巳上御正殿策賢良方正能直言極諫等三舉人辛亥宰相劉從一以疾辭任授戶部尚書庚申劉從一卒幽節度使劉怱卒辛巳以權知幽州盧龍軍府事劉濟為幽州長史御史大夫幽州盧龍節度觀察押奚契丹兩蕃等使丙戌渾瑊自中來朝十一月癸巳朔山南嚴震來朝癸卯上親祀昊天上帝於丘時河中渾瑊澤潞李抱真山南嚴震同華駱元光邠寧韓遊瓌坊唐朝臣奉誠康日知等大將侍祠郊壇畢還宮御丹鳳樓大赦天下丁丑詔文武常叅官共賜錢七百萬貫以歲凶穀貴衣冠窘乏故也十二月戊辰詔延英視事日令常叅官七人引對陳時政得失自是群官互進有不達理道者因多詆訐不適事宜上亦優容遣之



二年春正月壬辰朔以歲饑罷元會禮也丙申詔以民饑御膳之費減半官人月共糧米都一千五百石飛龍馬減半料臺郎御史與兼官出為畿赤令庚子大雪平地尺餘壬寅以散騎常侍劉滋給事中崔造中書舍人齊映並守本官同中書門下平章事門下侍郎平章事虜朝為太子賓客丁未以禮部侍郎鮑防為京兆尹京兆尹韓洄為刑部侍郎國子祭酒包佶知禮部貢舉以江陵少尹李復為容州刺史本管經略使癸丑以御史大夫崔縱為吏部侍郎諫議大夫知制誥翰林學士吉中孚為戶部侍郎判度支兩稅元琇判諸道鹽鐵推酒詔宰相齊映判兵部李勉判刑部劉滋判吏部禮部崔造判戶部工部甲寅詔天下兩稅錢物委本道觀察使刺史差人送上都其元置諸道水陸轉運使及度支巡院江淮轉運等使並停時崔造專政以易錢穀職事多隳敗造尋以憂病歸第三月癸亥山南樊澤奏破希烈將杜文朝之衆五千擒文朝以獻乙丑鹿入含元殿衛士執之甲戌戶部侍郎元琇為尚書左丞京兆少尹李諫為戶部侍郎

鹽鐵推酒三月壬寅滑州李澄奏破希烈之衆於鄭州乙巳以司馬卿李模為黔中觀察使四月丙寅淮西李希烈為其牙將陳仙奇所醜并誅其妻子仙奇以淮西歸順戊辰以前黔中觀察使元全柔為湖南觀察使辛巳陝州觀察使李泌奏盧氏山冶出瑟瑟請禁以充貢奉上曰瑟瑟不產中土有則與民共之任人採取甲申詔以淮西牙將陳仙奇為蔡州刺史淮西節度使都統劉玄佐李澄曲環李臯賈耽張建封各與一子正真官賞平淮蔡功也丁未以劍南東川節度使李叔明為太子太傅以東川兵馬使王叔邕為梓州刺史劍南東川節度使五月丙申自癸巳大雨至於茲日饑民俟夏麥將登又此歲人心甚恐米斛後千錢丁酉以伊西北庭節度留後楊襲古為大都護伊西北庭節度支營田瀚海等使己亥百寮請上復用唐時民久饑困食新麥過多死者甚衆伊西北庭節度使李元平奏贈司空辛酉大風雨街陌水深數尺人有溺死者癸未橫海軍節度使程日華卒以其子懷直權知軍州事秋七月戊子黔中



觀察使理所復在黔州辛卯以開州別駕白志真為果州刺史乙未  
福建觀察盧慧卒己酉以虔王諒為申光隨蔡節度大使以淮西兵  
馬使吳少誠為蔡州刺史知節度畱後加東都畱守賈耽東都畿唐  
汝鄧都防禦觀察使以隴右行營節度使曲環為陳許節度使戊午  
以鄜坊節度唐朝臣為單于大都護振武綏銀節度使右金吾大將  
軍論惟明為鄜州刺史鄜坊都防禦觀察使己巳以金吾大將軍董  
晉為尚書右丞庚辰右散騎常侍蔣沈卒天戌吐蕃寇涇隴邠寧諸  
鎮守閉壁自固京師戒嚴遣河中節度駱元光鎮成陽九月詔左右  
金吾及十六衛將軍故事皆擇勳臣出鎮方隅入居侍從自天寶觀  
難之後衛兵雖然廢闕將軍品秩尤高此誠文武勳臣出入轉遷之  
地宜增祿秩以示優崇並宜加給料錢及隨身糧課仍舉故事置武  
班朝參其廊下食亦宜加給其十六衛各置上將軍一人秩從二品  
左金吾上將軍俸料次於六統軍支給欲求致理必藉兼才文武  
通遷長隔自今文武缺官於文武班中量才整頓參叙

仍依故事於本衛量置衛兵所司條件以聞丁酉義成軍節度鄭滑  
觀察等使檢校尚書左僕射滑州刺史武威郡王李澄卒以東都畿  
唐鄧汝等防禦觀察使賈耽檢校尚書右僕射兼滑州刺史義成軍  
節度鄭滑等州觀察使戊戌以吏部侍郎崔縱檢校禮部尚書東都  
畱守東都畿唐鄧汝防禦觀察使己亥勅左右衛上將軍大將軍並  
於衙內宿乙巳吐蕃寇好畤京師戒嚴李晟部將王似擊吐蕃於汧  
陽城敗其中軍辛亥寇鳳翔李晟出師禦之一夕而退冬十月壬午  
奏關內河中河南等道秋夏兩稅青苗等錢悉折納粟麥兼加估收  
糴以便民從之是月李晟破吐蕃摧沙堡十一月甲午冊淑妃王氏  
為皇后乙未兩浙節度使韓滉來朝丁酉冊皇后王氏是日后崩諡  
曰昭德辛丑吐蕃陷鹽州壬寅劉玄佐曲環鄂嶽盧玄卿並來朝十  
二月丁巳以韓滉兼度支諸道鹽鐵轉運使吐蕃陷夏州又陷銀州  
庚申以給事中同平章事崔造為右庶子貶尚書右丞度支元琇為  
雷州司戶為韓滉誣奏人以為非罪諫官屢論之辛未鳳翔李晟來



朝壬申京城畿內推酒每斗推錢一百五十文蠲酒戶差役從度支奏也

三年春正月丙戌朔壬寅以左僕射張延賞同中書門下平章事乙巳禮部侍郎薛播卒辛亥以戶部侍郎李諫為鄂嶽觀察使壬子以兵部侍郎柳渾同中書門下平章事劉滋守本官罷知政事中書舍人平章事齊映貶夔州刺史戊寅度支鹽鐵轉運使鎮海軍節度浙江東西道觀察等使檢校左僕射同中書門下平章事晉國公韓滉卒贈大傅以果州刺史白志真為潤州刺史兼御史大夫浙西觀察使宣州刺史皇甫政為越州刺史浙東觀察使三月庚寅詔今年朝集使宜停丙午鳳翔隴右元帥副兵馬使吳詵為福建觀察使鳳翔都虞候邢君牙為鳳翔尹本府團練使丁未制鳳翔隴右涇原四鎮北庭管內兵馬副元帥鳳翔隴右道節度使奉天靖難功臣司徒兼中書令鳳翔尹上柱國西平郡王食實封一千五百戶李晟可太尉兼中書令庚戌以晟甥元帥兵馬使王佖為右威衛上將軍辛亥河東

馬燧來朝時蕃相尚結贊使大將論頰熱卑辭厚意告馬燧請兩國同盟和好上疑其不誠不允故燧自將論頰熱入朝盛言蕃相請盟可以保信上乃從之許盟于平涼夏四月庚申詔蕃寇雖退疆理猶虞安邊之策必有良筭宜令常叅官各陳邊事隨所見封進以聞入蕃使崔翰奏於蕃中誘問給役者求蕃國人馬真數云凡五萬九千餘人馬八萬六千匹可戰者僅三萬人餘悉老幼庚午御麟德殿試定難樂曲馬燧所獻五月丁亥以侍中渾瑊為吐蕃清水會盟使兵部尚書崔漢衡副之瑊與駱元光率師二萬往會盟所丁酉以左丞暢悅為湖南觀察使戊戌左右神策左右龍武各加將軍一員丙午以嶺南節度使杜祐為尚書右丞以容管經略使李復為廣州刺史嶺南節度使蕃相尚結贊請改會盟之所於原州之土梨樹神策將馬有麟奏土梨地多險泥恐蕃軍隱伏不如平涼川其地坦平又近涇州乃改盟於平涼川十月東都河南江陵汴州揚州大水漂民廬舍閏月乙卯以國子司業裴胄為潭州刺史湖南觀察使戊午陝虢



李泌獻瑞麥一莖五穗庚申詔省州縣官員上州留上佐錄事參軍  
司戶司士各一員中州上佐錄事參軍司戶司兵各一員下州上佐  
錄事司戶各一員京兆河南兩府司錄判司及四赤丞簿尉量留一  
半諸赤畿縣畱令丞尉各一員時宰相張延賞請減官收俸料以助  
軍討吐蕃故也壬戌日有黑暈自辰及申方散癸亥以荆南節度使  
檢校戶部尚書嗣曹王臯為襄州刺史山南東道節度使襄鄧郢安隨  
唐等州觀察使以山南東道節度使樊澤為江陵尹荆南節度使  
辛未侍中渾瑊與吐蕃宰相尚結贊同盟于平涼為蕃兵所劫瑊狼狽  
遁而獲免崔漢衡已下將吏陷沒者六十餘人癸酉遣使齎書以讓  
結贊蕃界不受戊寅在矢墜于虛危辛巳以少府監盧嶽為陝虢觀  
察使是月太白晝見凡四十餘日六月丙戌以檢校司徒侍中馬燧為  
司徒兼侍中以贊吐蕃之盟失策而罷兵柄也以陝虢觀察使李泌  
為中書侍郎平章事以左龍武將軍李自良為檢校工部尚書太原  
尹河東節度使乙巳浙西觀察使白志真卒是月吐蕃驅鹽夏二州

居民焚其州城而去七月甲寅渾瑊自監所來素服待罪釋之  
詔朕頃緣興師備邊費用不給遂權議減官以務集事近聞授官者  
皆已隨牒之任扶老携幼盡室而行俸祿未請歸還無所衣冠之弊  
流寓何依其先勅所減官員並仍舊初既減員內外咨怨張延賞  
懼李泌初入相乃諷諫官論之乃下此詔丙辰平涼陷蕃官員崔漢  
衡已下各與一子正員官以左羽林大將軍韓潭為夏州刺史夏綬  
銀等州節度使壬申賜賂元光姓曰李元諒尚書左僕射同中書門  
下平章事張延賞薨贈太保癸酉復置吏部小選八月辛巳朔日有  
彗之丁亥陷蕃兵部尚書崔漢衡得還己丑以兵部侍郎平章事柳  
宗元為散騎常侍罷知政事壬申以給事中王緯為潤州刺史江西觀  
察使常州刺史劉贊為宣州刺史宣歙池觀察使戊戌貶前門下侍  
郎同平章事蕭復為太子左庶子饒州安置坐宗人位佩儒僊鼎等  
連部國長公主姦蠱事也戊辰吐蕃犯塞諸軍戒嚴九月丁巳吐蕃  
大掠汧陽吳山華亭界民庶徙於安化峽西庚申左庶子崔造卒癸



亥迴紇可汗遣使合闕將軍請昏於我許以盛安公主降之丙寅吐  
蕃陷華亭又陷涇州之連雲堡甲戌吐蕃退俘掠邠涇隴等州民戶  
殆盡自是蕃寇常至涇隴冬十月吐蕃修源州城屯據之丁亥太子  
太傅李叔明卒丙戌神策將魏循上言射生將韓欽緒等十餘人與  
資敬寺妖僧李廣弘同謀不軌廣弘自言當爲人主約十月十日大  
舉已署置將相名目詔捕劾之連坐死者百餘人欽緒遊瓌之子特  
赦之是月復降魚書停刺史務十一月丁丑以湖南觀察使趙憬爲  
給事中是夜京師地震者三鳥巢散落壬申禁商人不得以口馬  
撤市於党項辛丑鄜坊節度使論惟明卒是歲作玄英觀於大明宮  
北垣

唐書本紀卷第十二

唐書本紀卷第十三

德宗下

劉 昫 等修  
聞人詮校刊沈桐同校

貞元四年春正月庚戌朔上御丹鳳樓制曰朕以菲薄託於王公之  
上恭承天地之序虔奉祖宗之訓遐想至理思臻大和而誠不感物  
化不柔遠聲教猶鬱征賦仍繁頃者務於安人不憚屈已與西蕃結  
好申以齊盟而戎心不戢背義虧信劫脅士庶屢犯封疆元元何辜  
皆朕之失乃者輦轂之下兇狂結構上帝垂祐悉自伏誅刑以止殺  
詠非獲已今三陽布和萬物資始思與羣公兆庶惟新政理宜敷在  
宥之澤以覃作解之恩可大赦天下大辟已下罪咸赦除之是日質  
明含元殿前階基欄檻壞損三十餘間壓死衛士十餘人京師地震  
辛亥又震壬子又震壬戌以左龍武大將軍王西曜爲麟州刺史鄜坊  
丹延節度使丁卯京師地震戊辰又震庚午又震以宣武軍行營節度



使劉昌為涇州刺史四鎮北庭行軍涇原等州節度使癸酉京師地震甲戌以華州潼關節度使李元諒兼隴右節度使臨洮軍使乙亥地震金房尤甚江溢山裂廬舍多壞居人露處陳畱雨木如大指長寸餘有孔通中下而植於地凡十里許辛巳李泌以京官俸薄請取中外給用除陌錢及闕官俸外一分職田額內官俸及刺史執刀司馬軍事等錢令戶部別庫貯之以給京官月俸令御史中丞竇叅專掌之歲得錢三百萬貫謂之戶部別處錢朝臣歲不過五十萬常有二百餘萬以資國用壬午地震甲申又震乙酉又震丙申又震甲辰太僕郊牛生犢六足又豕生兩首四足築延喜門北複道屬永春門涇原劉昌復築連雲堡戊辰鹿入京師市門甲寅地震宴群臣於麟德殿設九部樂內出舞馬上賦詩一章群臣屬和己未地震丁卯有司條奏省官其左右常侍太子賓客請依前置四員從之庚午地震詔涇原劉昌於平涼會盟所收被害將士骸骨葬於淺水原為二冢立石堠志之題曰懷忠塚辛未地震中書省梧樹有鵲以泥為巢於

己以太子左庶子暢悅為桂管觀察使改左右射生為左右神威軍福建兵亂逐觀察使吳誥丁未隴右李元諒築良原城丁巳右龍武統軍張伯儀卒辛酉以吉州刺史張庭為安南都護本管經略使昇鄆州為大都督府壬戌加置諫議大夫八員分中書四員為右門下四員為左檢校左庶子蕭復卒於饒州丙寅地震丁卯又震月犯歲星辛未太子賓客吳湊為福建觀察使乙亥熒惑歲鎮三星聚營室凡二十日是月吐蕃寇涇邠寧慶鄜等州焚彭原縣邊將閉城自固賊驅人畜三萬計凡二旬而退吐蕃入寇以秋冬今盛暑而來華人陷蕃者道之也六月丁丑鄆岳觀察使李竦卒乙酉以尚書左丞杜祐為陝州長史陝虢觀察使徵夏縣處士先除著作郎陽城為諫議大夫城以褐衣詣闕上賜之章服而後召乙丑桂管都防禦觀察使楊悅卒乙未以諫議大夫何士幹為鄆岳沔蘄黃等州都團練觀察使乙亥封皇子皇弟邕王諒等七人為王兼卿監祭酒等官癸卯熒惑退行入羽林秋七月庚戌以左金吾將軍張獻甫為邠寧節度使陳許



防禦兵馬使韓全義檢校工部尚書充長武城及諸軍行營節度使  
癸丑邠寧軍因韓遊瓌受代憚張獻甫之嚴乘其無帥縱兵大掠仍  
脅監軍楊明義奏請范希朝為帥都虞侯楊朝晟斬其亂首二百  
餘人方定朝命仍以希朝副獻甫已未奚室韋寇振武軍壬戌詔以  
太尉中書令西平郡王李晟長子愿為銀青光祿大夫太子賓客賜  
勳上柱國與晟門並列戟乙丑以前撫州刺史戴叔倫為容州刺史  
兼御史中丞本管經略使丁丑以兵部尚書崔漢衡為晉州刺史晉  
慈隰觀察使壬申詔嗣王郡王朝會班位在本官班之上左右庶子  
准令在左右丞侍郎之下諸司四品之上今在少卿之下非也宜改  
之乙亥以蘇州刺史孫晟為桂州刺史桂管觀察使荆河自陝州至  
河陰水色如墨流入汴口至汴州一宿而復又汴鄭管內烏皆入田  
緒李納之境柴為城方十餘里高二三尺緒納惡而去之信宿復  
如之烏口皆流血八月以權判吏部侍郎吉中孚為中書舍人乙酉  
檢校司徒兼太子太師洲國公李勉薨甲午京師地震其聲如雷九

月丙午詔凡者卿士內外左右朕躬朝夕公門勤勞庶務今方隅無  
事庶康小康其正月晦日三月二日九月九日三節日宜任文武百  
寮選勝地追賞為樂每節宰相及常參官共賜錢五百貫文翰林學士  
一百貫文左右神威神策等軍每廂共賜錢五百貫文金吾兵武威遠諸  
衛將軍共賜錢二百貫文客省奏事共賜錢一百貫文委度支等節  
前五日支付永為常式戊申晉慈隰觀察使崔漢衡加都防禦使名  
癸丑賜百寮宴於曲江亭仍作重陽賜宴詩六韻賜之群臣畢和上  
品其優劣以劉太真李紆為上等鮑防于召為次等張濛殷亮等二  
十人又次之唯李晟馬建李泌三宰相之詩不加優劣庚申吐蕃寇  
邠寧坊等州冬十月詔中書門下選常參官曾為牧宰有理行者以  
各聞宰臣奏于頔董晉等十二人前任有治迹詔頔等於左右承應各  
言政要左右丞條奏上乃御宣政殿親試其言而後用之丙戌以右  
神策將軍李長榮為河陽三城懷州團練使仍賜名元戊子迴紇公  
主將妾媵六十餘人馬二千匹來迎咸安公主命刑部尚書關播送公



主歸蕃十二月辛巳少府監李觀卒

五年春正月壬辰朔乙卯詔四序嘉辰歷代增置漢崇上巳晉紀重陽或說禳除雖因舊俗與衆共樂咸合當時朕以春方發生候及仲月勾萌畢達天地和同俾其昭蘇宜助暢茂自今宜以二月一日爲中和節以代正月晦日備三令節數內外官司休假一日宰臣李泌請中和節日令百官進農書司農獻種之種王公戚里上春服庶以刀尺相問遺村社作中和酒祭勾芒以祈年穀從之丁卯古故騎常侍宜城縣子柳渾卒二月己丑貶京兆尹鄭叔則爲永州長史戊戌以滄景苗後程懷直爲滄景觀察使庚子以大理卿董晉爲門下侍郎同中書門下平章事以御史中丞竇參爲中書侍郎平章事兼轉運使以戶部侍郎班宏爲戶部尚書依前度支轉運副使三月甲辰中書侍郎同平章事李泌卒乙卯以兵部郎中姚南仲爲御史中丞司農卿薛珏爲京兆尹以大理卿李遠爲黔州刺史黔州觀察使癸亥以資州刺史龐復爲安南都護本管經略使丙寅貶禮部

侍郎劉太真爲信州刺史以給事中杜黃裳爲河南尹戊辰詔以懷光外孫燕八八爲左衛率府胄曹參軍賜姓名曰李承緒仍賜錢千貫俾自營居業夏四月乙未以太子少師蕭昕爲工部尚書致仕給半祿料永爲常式初致仕官只給半祿無料上加以待老臣半料自昕始也五月戊辰宋州麥一莖九岐者百餘本六月乙未以光祿卿裴腆爲桂管觀察使秋七月以嗣滕王湛然爲太子賓客入迴紇使八月辛未以同州刺史竇穎爲戶部侍郎九月壬戌詔以褚遂良已下至李晟等二十七人圖形於凌煙閣以繼國初功臣之像冬十月丙午西川韋臯奏與東蠻合力大破吐蕃於故雋州擒其將臧逸逸自是吐蕃挫銳竟復雋州庚午百寮請復徽號不允己丑易定節度使檢校司空平章事張孝忠以擅出兵襲尉州降檢校司空爲左僕射桂管觀察御史中丞孫晟卒癸巳以戶部侍郎竇覲爲揚州長史兼御史大夫淮南節度使十二月庚午迴紇汨咄祿長壽天親毗伽可汗卒辛未以淮南節度使杜亞爲東都畱守畿汝州都防禦



使兵部侍郎裴諤為河南尹司農卿李翼為陝虢都防禦觀察使壬申以陝虢觀察使杜祐檢校禮部尚書兼揚州長史淮南節度使六年春正月戊辰朔戊申大雪二月戊辰朔百寮會宴於曲江亭上賦中和節羣臣賜宴七韻是日百寮進北人本業三卷司農獻黍粟各一斗岐州無憂王寺有佛指骨寸餘先是取來禁中供養乙亥詔送還本寺丙戌以中書舍人陸贄權兵部侍郎甲午以吏部侍郎劉滋為吏部尚書丁酉王武俊守棣州將趙鎬以郡歸李納武俊怒以兵攻之三月庚子百寮宴于曲江亭上賦上巳詩一篇賜之壬寅渾瑊自河中來朝戊午祥珂蠻來朝甲子以早日色如血無光夏四月甲辰大風雷閏月庚申太白辰星聚東井戊午始雨五月丙寅朔上御紫宸受朝上以是月一陰生臣子道長父子必以是朔面焉故取朔日受朝壬午以寧州刺史范希朝為單于大都護麟勝節度使是夏淮南浙東西福建等道旱井泉多涸人渴乏疫死者眾秋七月丙寅淮南節度使竇覲卒癸酉復嘑親王母曰太妃公主母曰太儀八

月丁未工部尚書致仕鮑防卒九月乙丑收諸道進奏院官印之已卯詔十一月八日有事於南郊太廟行從官吏將士等一切令自備食物其諸司先無公厨者以本司闕職物充其王府官度之量給廩物其儀仗禮物並仰御史擢節處分冬十月己亥文武百寮京城道俗抗表請徽號上曰朕以春夏亢旱粟麥不登朕精誠祈禱獲降甘雨既致豐穰告謝郊廟朕倘因禋祀而受徽號是有為為之勿煩固請也辛亥迴紇弔祭使鴻臚卿郭降復命迴紇遣達北勒梅錄將軍來告九姓迴紇登里邏沒密施俱錄忠貞毗伽可汗之喪十一月庚午日南至上親祀昊天上帝於郊丘禮畢還宮御丹鳳樓宣赦免禁囚徒減罪一等立仗將士及諸軍兵賜十八萬段匹今後刺史縣令以四考為限青州李納以棣州還王武俊并其兵士三千是歲吐蕃陷我北庭都護府節度使楊襲古奔西州迴紇大相頡干迦斯給襲古請合軍收復北庭乃殺襲古安西因是阻絕唯西州猶固守之迴紇亦為吐蕃所逼取浮圖川乃遷部落羊馬於牙帳之南以



避之

七年春正月壬戌朔己巳襄王儂薨庚辰以湖南觀察使裴胃為洪州刺史江西觀察使以常州刺史李衡為潭州刺史湖南觀察使蔡州置汝南縣黑衣大食遣使朝貢以中書舍人韓臯為御史中丞二月己巳涇原帥劉昌復築平涼城去故原州一百五十里本原之屬縣地當禦戎之衝要昌復浹辰而功畢分兵戍之邊患稍弭庚子侍中渾瑊自河中來朝三月辛酉陳許節度使曲環奏請權停當道冗官待一二年後民力稍給則復之壬戌左龍武統軍戴休顏卒申子涇原節度使劉昌築胡谷堡改名彰義堡堡在平涼西三十五里亦禦戎之要地壬申詔頃來賜衣文彩不常非制也朕今思之宜有定制節度使宜以鶻銜綬帶觀察使宜以鴈銜威儀威儀瑞草也鬪輔牛疫死十二五六上遣中使以諸道兩稅錢買牛散給畿民無牛者辛巳詔神威神策六軍將士自相訟軍司推劾與百姓相訟委府縣推劾小事移牒大事去取處分軍司府縣不得相侵癸未義

武軍節度使檢校司空平章事張孝忠卒夏四月庚子太子少師致仕蕭昕卒汴州獻白鳥戊午詔仲夏之時萬物敷暢陽德方茂陰事始承昔者觀法象因天地交會之序為父子相見之儀公習成風古今不易王者制事在於因人酌其情而用中順其俗以為禮咸覲之義既行於父子之間資事之情豈闕於君臣之際申恩卿士自我為初起今年五月朔御正殿召見文武百官外官因朝奏咸聽就列仍編禮式以為常典己未安南首領杜英輪叛攻都護府都護高正平憂死五月庚申朔上御宣政殿見百官從新制也辛未置柔遠軍為安南都護府甲申端王遇薨許州獻白鳥戊子以衡州刺史齊映為桂管觀察使六月庚子朔乙巳太常卿崔縱卒秋七月庚午以信州刺史鄭叔則為福建觀察使癸酉上幸章敬寺賦詩九韻皇太子與群臣畢和題之寺壁戊寅以邕王諒為義武軍節度使易定觀察等大吏以定州刺史張昇雲為畱後庚辰以虔州刺史趙昌為安南都護經略招討使八月己丑以翰林學士歸從敬為工部尚書甲午給事



中鄭瑜為中書舍人丙申貶宗正卿李翰為雅王傳翰林學士陸贄為兵部侍郎罷學士庚戌夏州奏開延化渠引烏水入庫狄澤溉田二百頃九月庚申兵部尚書致仕馬炫卒冬十月癸丑每御延英令諸司官長二人奏本司事尋又勅常參官每一日云引對訪以政事謂之巡對十一月乙丑令常參官趨朝入閣不得奔走周親已下喪者禁慄服朝會須服本色綾袍金玉帶丁酉以前福建觀察使吳湊為陝州長史陝虢觀察使是冬無雪

八年春正月丙辰朔癸酉罷桂管經略招討使二月丁亥許州人李狗兒持杖入含元殿擊欄檻又格擒者誅之庚子京師雨土已酉吏部尚書李紆卒乙丑山南東道節度使檢校戶部尚書嗣曹王臯薨庚午宣武軍節度使司徒平章事劉玄佐卒癸酉劔南西川節度使韋臯奏請有當道閑官吏增其俸祿從之己亥以湖南觀察使李衡為洪州刺史江西觀察使襄州軍亂掠府庫民財殆盡都將徐誠斬其亂首楊清潭方止丙子以荆南節度使樊澤為襄州刺史

山南東道節度使以江西觀察使裴胄為江陵尹荆南節度使以戶部尚書班宏判度支戶部侍郎張滂為諸道鹽鐵轉運使己卯以陝虢觀察使吳湊為汴州刺史宣武軍節度汴宋等州觀察使辛巳以同州刺史姚南仲為陝虢觀察使壬午以左庶子李允為京兆尹以蘇州刺史齊抗為潭州刺史湖南觀察使夏四月丁丑貶左金吾大將軍嗣虢王則之為昭州司馬左諫議大夫知制誥吳通玄為泉州司馬給事中竇申道州司馬戊子以雅王傳李翰為金吾衛大將軍翰前為竇叅所惡貶官至是叅敗上遽召翰口授將軍便令金吾仗上事翌日除書方下庚寅以汴州長史劉士寧為汴州刺史宣武軍節度使時吳湊行次汜水聞其有變而還乙未貶中書侍郎平章事竇叅為郴州別駕竇申景州司戶尋杖殺申諸竇皆貶以尚書左丞趙憬兵部侍郎陸贄為中書侍郎同中書門下平章事丁酉韋臯請十二而稅以給官吏從之丙午以東都河南淮南江南嶺南山南東道兩稅等物令戶部侍郎張滂主之以湖南河東劔南山南西道等財



戶部尚書判度支班宏主之一遵大曆故事如劉晏韓滉分掌焉給事中常夏卿左遷常州刺史坐交諸竇也是月吐蕃寇雲州五月乙卯朔上御宣政殿受朝丙辰初增稅京兆青苗晦三錢以給掌閑驍騎戊午以光祿少卿崔穆為黔州觀察使己未大風吹壞廬舍門闕丙寅以大理卿王胡為福建觀察使戊辰初令授臺省官者各具舉主於授官詔先是郎官缺左右丞舉之御史缺大夫中丞舉之詔書不具所舉及趙憬陸贄為相諫議郎官不宜專於左右丞宜令尚書丞郎各舉其可詔書具所舉官名御史亦如之異日考殿最以舉主能否從之癸酉平盧淄青節度使檢校司徒平章事李納卒癸未前太僕少卿劉士幹有罪賜死劉玄佐養子也六月吐蕃寇涇州秋七月甲寅朔戶部尚書判度支蕭國公班宏卒以管桂觀察使齊映為洪州刺史江西觀察使以翰林學士歸崇敬為兵部尚書致仕辛巳大雨八月乙丑以天下水災分命朝臣宣撫賑貸河南河北山南江淮凡四十餘州大水漂溺死者二萬餘人辛卯以青州刺史李師

古為鄆州大都督府長史平盧淄青等州節度觀察海運陸運押新羅渤海兩蕃等使丁未詔以歲凶罷九月賜宴九月丁巳韋臯攻吐蕃之維州獲蕃將論莽熱以獻貶太子賓客于召江州別駕尋卒乙亥以太子賓客薛珣為嶺南節度使冬十月己亥追封故皇弟遐為均王庚戌復命金吾置門籍十一月壬子朔日有蝕之己巳貶右庶子姜公輔泉州別駕嚴震奏破吐蕃於芳州壬申詔自今死刑勿決先杖十二月庚寅詔賜遭水縣乏絕戶米三十萬石丁未以給事中李巽為潭州刺史湖南觀察使閏月癸酉門下省奏郵驛條式應給紙券除門下外諸使諸州不得給往還券至所詣州府納之別給俾還朝常叅官在外除授及分司假寧往來並給券從之甲戌牂牁室韋韎鞞皆遣使朝貢

九年春正月庚辰朔朝賀畢上賦退朝觀仗歸營詩乙酉劔南東川節度使王叔邕來朝癸卯初稅茶歲得錢四十萬貫從鹽鐵使張滂所奏茶之有稅自此始也甲辰禁賣劔銅器天下有銅山任人採取其



銅官買除鑄鏡外不得鑄造二月庚戌朔先是宰相以三節次宴府縣有供帳之弊請以宴錢分給各令諸司選勝宴會從之是日中和節宰相宴于曲江亭諸司隨便自是分燕焉易定畱守張昇雲為義武軍節度使辛酉詔復築鹽州城貞元三年城為吐蕃所毀自是塞外無堡障犬戎入寇既城之後邊患息焉三月己亥以駕部郎中知制誥張式為虢州刺史夏四月辛酉地震有聲如雷河中關輔尤甚壞城壁廬舍地裂水涌五月庚申廢諸州府執刀甲辰以義成軍節度使檢校右僕射賈耽為左僕射同中書門下平章事以尚書左丞盧邁本官同平章事以鄭州刺史李融為滑州刺史義成軍節度使乙巳韋臯奏遣軍出西山破吐蕃岷和城定兼城通鶴軍凡平堡五十餘所是日以蕃俘器杖來獻丙戌以門下侍郎平章事董晉為禮部尚書罷知政事甲寅加韋臯檢校右僕射以司農少卿裴延齡為戶部侍郎判度支庚申以給事中李衡為戶部侍郎諸道鹽鐵轉運使秋七月乙未勅縣令以四考為限無替者宜至五考庚子以信州刺史孫

公器為邕管經略使故事宰相秉筆決事每人十日一易至是賈耽趙憬陸贄盧邁同平章政事百寮有所關白更相讓而不言始詔令旬日秉筆後詔每日更秉筆劔南西川羌女國王楊立志哥鄰王董吐庭白狗王羅陀念弱水王董避和逋和王弟鄧告知南水王姪尚悉曩等六國君王自來朝貢六國初附吐蕃韋臯出西山討吐蕃故六蠻內附各授官勅遣之八月庚戌太廟中書令西平郡王李晟薨贈太師廢朝五日己巳皇太子長男廣陵王淳納妃郭氏九月己卯罷九日宴以太師晟喪也冬十月己酉侍中馬燧對于延英燧足疾詔令不拜行什於地命宦者扶持之上謂之曰前日卿與太尉晟俱來今公獨至因欬泣下及燧退上送及階癸酉環王國獻犀牛上令見于太廟十一月乙酉日南至上親郊圓丘是日還宮御丹鳳樓制曰朕以寡德祗膺大寶勵精理道十有五年夙夜惟寅罔敢自逸小大之務莫不極勤皇靈懷顧宗社垂祐年穀豐阜荒服會同遠至邇安中外咸若永惟多祐實荷玄休是用虔奉禮章躬薦郊廟克展因



心之敬獲申報本之誠慶感滋深悚惕惟勵大福所賜豈獨在予思與萬方均其惠澤可大赦天下辛卯華州潼關鎮國軍隴右節度使李元諒卒於良原以其部將阿史那叙統元諒之衆戍良原壬寅河南尹東都留守裴諤平甲辰冬制薦官宜令尚書丞郎於都堂訪以理術試時務狀考其通否及歷任考課事迹定為三等并舉主姓名仍令御史一人為監試如授官後政事能否委御史臺觀察使以聞而殿最舉主十二月丙午朔制今後使府判官副使行軍已下使罷後如是檢校試五品以上官不合集於吏部選任準罷使郎官御史例冬季聞奏丙辰宣武軍亂逐節度使劉士寧壬戌以通王諶為宣武軍節度使以宣武軍節度使副使李萬榮為汴州刺史宣武軍節度使宋等州觀察留後朔方靈鹽節度副大使太子少師檢校左僕射餘姚郡王杜希全卒

十年春正月乙亥朔乙酉以虔王諒為朔方靈鹽節度大使以朔方等道行軍司馬李來為留後壬辰南詔異牟尋大破吐蕃於神川

使來獻捷已亥昭義節度使檢校司空平章事李抱真請降官乃授檢校左僕射時抱真病巫祝言且降爵故有是請二月丙午以瀛州刺史劉滙為秦州刺史隴右經略軍使理普閏縣仍以普閏軍為名乙卯以給事中齊抗為河南尹乙丑義成軍節度使鄭滑觀察使李融卒丁卯詔君臣之際義莫重焉每聞薨殂良深悼惻應文武朝臣薨卒者其月俸料宜全給仍更准本官一月俸料以為賻贈三月乙亥黃霧四塞日無光以華州刺史李復為滑州刺史義成軍節度使滄州程懷直來朝賜安業坊宅妓一人復令還鎮庚辰南詔異牟尋攻收吐蕃鐵橋已東城壘一十六擒其王五人降其民衆十萬口壬申以同州刺史盧徵為華州刺史潼關防禦鎮國軍等使辛丑以延州刺史李如暹所部蕃落賜名曰安塞軍以如暹為軍使夏四月戊辰地震癸丑復震恒州奏見巨人迹以雲南告捷使高綱龍為左武衛將軍是月太白晝見有大鳥飛集宮中食雜骨是春霖雨罕有晴日六月壬寅朔昭義軍節度使檢校左僕射同中書門下平章事義



陽王李抱真卒詔以其將王延貴權知昭義軍事癸丑以祠部郎中  
袁滋兼御史中丞為冊南詔使甲寅以辰州刺史房孺復為容管經  
略使丙寅韋臯奏西山峨和城擊破吐蕃城柵斬首二千八百級庚  
午度支使裴延齡兼靈鹽等州鹽池并推使辛未晦有水鳥集於左  
藏庫是夜暴雨大風折木秋七月壬申朔以邕王諒為昭義軍節度  
使以昭義軍押衙王延貴為路府左司馬充昭義節度留後賜名虔  
休抱真別將權知洛州事元誼不悅虔休為留後據洛州叛陰結田  
緒庚辰賜南詔異牟尋金印銀窠其文曰貞元冊南詔印先是吐蕃  
以金印授南詔韋臯因其舊而請之汴州軍亂攻節度留後李萬榮  
不勝而潰萬榮悉捕斬其孥已亥前汴州節度使劉士寧宜於郴州  
安置欽州守鎮黃少卿叛攻邕管經略使孫公器又陷欽橫潯貴等  
州吐蕃大將論乞髯陽沒藏悉諾碑以其家內附授歸義將軍因置  
四品已下武官以授四夷歸附者仍定懷化大將軍已下俸錢九月  
辛未朔以袁州刺史董頊為邕管經略使戊子賜百寮九日宴上賦

詩賜之辛卯南詔獻鐸梨浪人劍吐蕃叩八紐戊戌定州張雲昇啟  
名茂昭冬十月癸卯御宣政殿試賢良方正能直言極諫等舉人壬  
戌刑部尚書劉轍卒十一月乙酉諸道鹽鐵轉運使張滂為衛尉卿  
以浙西觀察使王緯為諸道鹽鐵轉運使庚寅秘書監致仕穆寧卒  
十二月庚子朔壬戌貶中書侍郎平章事陸贄為太子賓客  
十一年春正月庚午朔乙亥嶺南節度使薛珣卒乙未以秘書少監  
王礎為黔中經略觀察使衛尉少卿武少儀為邕管經略使丙申以  
邕管經略使王鐔為廣州刺史嶺南節度使二月癸卯以衢州刺史  
李若初為福建觀察使乙巳冊渤海大欽茂之子嵩為渤海郡王忽  
汗州都督乙卯於涇州彰信堡置潘原縣甲子九姓迴紇骨咄祿毗  
伽奉誠可汗卒三月庚午司徒兼侍中馬燧以疾請罷侍中不許辛  
未賜宰臣兩省供奉官宴於曲江亭乙丑以吏部侍郎鄭喻為河南淮  
南水陸轉運使丙申諸州舉例薦隱居丘園不求聞達蔡廣成等九  
人各受試官令給公乘到京日量才叙用夏四月旱壬戌貶太子賓



客陸贄為忠州別駕京兆尹李元信諱史衛尉卿張滂汀州長史癸亥以兵部侍郎韓臯為京兆尹甲子賜南詔勅書始列中書三官奉宣行復舊制也丙寅幽州劉濟奏大破奚王覲刺等六萬餘衆五月丁卯朔庚午命有司慮囚旱故也丁丑以宣武留後李萬榮為汴州刺史宣武節度副使知節度事以昭義軍節度留後王虔休為潞州大都督府長史昭義軍節度副大使知節度事管內度支營田潞澤磁邢洺觀察使又以朔方留後李栻為靈州大都督府長史朔方靈鹽豐夏四州受降定遠城天德軍節度副大使知節度事管內度支營田觀察押蕃落等使甲申河東節度使檢校工部尚書太原尹李自良卒庚寅遣使冊九姓迴紇騰里羅羽錄沒密施合胡六骨咄祿毗伽懷信可汗癸巳以通王諶為河東節度使以河東行軍司馬李悅為河東節度營田觀察留後北都留守甲午初鑄河東監軍印監軍有印自王定遠始也六月河陽白烏甲辰晉慈隰觀察使崔漢衡卒癸丑以絳州刺史姚齊梧為晉慈隰都防禦觀察使秋七月

丙寅朔右諫議大夫陽城為國子司業河東監軍王定遠配流崖州坐專殺也辛卯江西觀察使洪州刺史齊映卒八月辛亥司徒兼侍中北平郡王馬燧薨贈太傅丙辰以楚州刺史路寰為洪州刺史江西觀察使閏月己丑國子司業裴澄表上乘輿月令十二卷理與十二卷九月己卯賜宰臣兩省供奉官宴於曲江賦詩六韻賜之丁巳加韋臯統押近界諸蠻及山西八國雲南安撫等使滄州大將程懷信逐其帥程懷直冬十月丁丑以虔王諒為橫海軍節度大使以兵馬使程懷信為留後十一月丙申日南至不受朝賀以司徒馬燧葬也辛丑太常定馬燧謚曰景武上曰景太祖謚改莊武可也己酉潭州獻赤烏十二月戊辰上獵苑中戒多殺止行三驅之禮勞士而還十二年春正月甲午朔庚子元誼李文通率洛州兵五千民五萬家東奔田緒壬子以前滄州節度使程懷直為左龍武統軍乙丑成德軍節度使檢校司徒兼侍中渾瑊兼中書令興元節度使嚴震魏博田緒西川韋臯並加檢校左右僕射同中書門下平章事於是方鎮



皆叙進兼官上制貞元廣利藥方五百八十六首頒降天下三月癸巳朔甲午韋臯奏收降蠻七千戶得吐蕃所賜金字告身五十五片乙巳以戶部侍郎裴延齡為戶部尚書戊申以兵部尚書董晉充東都留守判東都尚書省東畿汝州都防禦使四月壬戌朔戊辰左右十軍使奏去年冬車駕幸諸營欲於銀臺亭子門外立碑以紀聖迹從之庚午魏博節度使度支營田觀察使檢校左僕射平章事魏州長史駙馬都尉鴈門郡王田緒卒庚辰上降誕日命沙門道士加文儒官討論三教上大悅五月辛卯朔丙申邠寧節度使張獻甫卒甲辰以邠寧都虞侯楊朝晟為邠州刺史邠寧慶節度使銀夏節度使韓潭讓所授禮部尚書乞雪崔寧許其家收葬丁巳駙馬郭曖王士平曖弟煦暄坐代宗忌辰飲宴貶官歸第六月壬戌故驩州司戶竇叅許其家收葬乙丑初置左右護軍中尉監中護軍監以授竇官以左右神策軍使竇文場霍僊鳴為左右神策護軍中尉監以左右神威軍使張尚進焦希望為左右神威中護軍監辛巳宣歙觀察使宣州刺

史劉贊卒七月乙未以東都留守兵部尚書董晉檢校左僕射同中書門下平章事汴州刺史宣武軍節度使宋毫穎觀察使時李萬榮病萬榮子迺自署為兵馬使軍人又逐迺汴州亂故命董晉帥之以太子賓客王栩為東都留守判東都尚書省事東畿汝都防禦使是日汴州節度使李萬榮卒八月辛未朔日有蝕之己巳以前魏博節度副使田季安為魏州長史魏博節度觀察等使庚午增修望仙門廣夾城十王宅六王宅癸酉以號州刺史崔衍為宣歙池觀察使以乞髯子湯忠義為歸德軍丙子以汝州刺史陸長源為宣武行軍司馬丙戌門下侍郎平章事趙憬薨九月甲午以河東行軍司馬李景略為豐州刺史天德軍豐州西受降城都防禦使丙午戶部尚書判度支裴延齡卒庚戌幸魚藻宮即日還內壬子吐蕃寇慶州冬十月壬戌詔以京畿旱放租稅甲戌諫議大夫崔損給事中趙宗儒並同中書門下平章事俱賜金紫以少府監崔穆為晉州刺史晉慈隰觀察使十一月辛卯昭義王虔休造誕聖樂曲以獻十二月己未大雪



平地二尺竹栢多死環王國所獻犀牛甚珍愛之是冬亦死上著刑政箴一首癸未迴紇南詔劔南西山國共國王並來朝賀

十三年春正月戊子朔庚寅太子少師致仕關播卒壬寅吐蕃贊普遣使修好塞上以聞上以犬戎負約不受其使東都尚書省火二月丁巳賜宰臣兩省供奉官宴於曲江亭乙亥度支郎中蘇弁為戶部侍郎判度支兵部郎中王召判戶部三月戊子造會慶亭於麟德殿前乙巳以福建都團練使李若初為明州刺史浙東觀察使以婺州刺史柳冕為福建觀察使夏四月壬戌上幸興慶宮龍堂祈雨乙丑大雪庚午義成軍節度使鄭滑觀察營田檢校左僕射滑州刺史李復卒巳卯以大理卿于頔為陝州長史陝虢觀察使庚辰以陝虢都防禦觀察轉運等使姚南仲為滑州刺史義成軍節度鄭滑觀察使五月丙戌朔韋臯收復嵩州畫圖來上壬子以庫部郎中翰林學士鄭餘慶為工部侍郎知吏部選事六月巳卯朔以衡州刺史陳雲為邕管經略使辛巳引龍首渠水自通化門入至太清宮前壬午韋臯奏於嵩

州破吐蕃生擒大籠官士人馬畜器械不可勝紀秋七月丙戌宰相盧邁請告累月四表避相位是日命宰臣問疾於盧邁私第巳丑右神策中尉霍僊鳴病賜馬十匹令於諸寺齋僧壬辰浚湖渠魚藻池深五尺乙未地震甲辰以兵部郎中判戶部

王召為戶部侍

郎乙丑詔今後嗣王薨葬所司並供鹵簿永為常式八月丁巳詔京兆尹韓臯修昆明池石炭賀蘭兩堰兼湖渠壬午容管經畧使房孺復卒九月巳丑盧邁懇讓相位乃授太子賓客辛卯九日宴宰臣百官於曲江上賦詩以賜之巳未江西觀察使路瓌卒甲辰陞定州為大都督府以湖南觀察使李異為江州刺史江西觀察使以禮部侍郎呂渭為潭州刺史湖南觀察使冬十月癸丑朔以前滁州刺史房濟為容管經畧使丙辰黔中觀察使奏溪州人戶訴被前刺史魏從琚於兩稅外每年加進米砂一千觔水銀二百駄戶民疾苦請停從之淮南吳少誠擅開淘刁河汝河詔使不能禁癸酉宰相賈耽以疾避相位不允丁丑徐泗節度使張建封來朝上嘉之次日於延英召對



癸巳贈太傅馬燧祔廟命所司供少牢祭仍給鹵簿從宅至廟十二月庚辰右龍武統軍韓遊瓌卒

十四年春正月壬午朔庚寅詔諸道州府應貞元八年至十一年兩稅及推酒錢在百姓復內者總五百六十萬七千貫並除放甲午勅比來朝官或相過從金吾皆上聞其間如是親故或嘗同寮伏臘歲時須有還往亦人倫常禮今後不須奏聞因張建封奏議也二月壬子朔戊午上御麟德殿宴文武百寮初奏破陣樂徧奏九部樂及宮中歌舞妓十數人列於庭先是上制中和樂武曲是日奏之日宴方罷比詔二月一日中和節宴以雨雪改用此日上又賦中春麟德殿宴群臣詩八韻羣臣頌賜有茗乙亥賜光蔡節度曰彰義軍三月丙申右神策行營節度鳳翔隴右觀察使檢校尚書右僕射鳳翔尹邢君牙卒以右神策將軍張昌為鳳翔尹右神策行營節度鳳翔隴右節度使仍改名敬則夏四月乙丑以左諫議大夫平章事崔損為修奉八陵使先是昭陵寢殿為火所焚至是獻昭乾定泰五陵各造屋三

百八十間橋元建三陵壇闕補造五月庚辰朔甲午前東都留守東畿汝都防禦使檢校吏部尚書杜亞卒丙午戶部侍郎判度支蘇弁為太子詹事上特召度支郎中于頔于延英兼御史中丞賜金紫令判度支閏月庚申以左神策行營節度韓全義為夏州刺史兼鹽池使綏銀節度使以代韓潭甲子貶太子詹事蘇弁為汀州司戶是贊皇大夫袞為永州司戶前京兆府士曹曼為信州司戶六月癸卯太子賓客盧勳卒乙巳以旱僉出太倉粟賑貸秋七月以吉州刺史杜春為江州刺史使乙卯貶京兆尹韓皋為撫州司馬召古金吾將軍吳法于延英面授京兆尹即令入府視事是夏熱甚壬申以給事中同中書門下平章事趙宗儒為太子左庶子以左諫議大夫平章事崔損為門下侍郎平章事以工部侍郎鄭餘慶為中書侍郎同平章事左神策護軍中尉霍僊鳴卒丁丑以宦者第五守亮代僊鳴為中尉已卯左神策置統軍品秩奉給視六軍統軍列甲午崔損修奉八陵寢宮畧群臣於宣政殿行稱賀江西觀察使潤州刺史王緯卒九



月丁未朔巳酉山南東道節度使檢校尚書右僕射襄州刺史樊澤卒乙卯以同州刺史崔宗爲陝州大都督府長史陝虢觀察水陸轉運使以浙東觀察李若初爲潤州刺史浙西觀察使及諸道鹽鐵轉運使又以常州刺史裴肅爲越州刺史浙東觀察使丙辰以陝虢觀察使于頔爲襄州刺史山南東道節度使丁卯杞王僖薨以太常卿杜確爲同州刺史本州防禦長春宮使癸酉諫議大夫田登奏言兵部武舉人持弓挾矢數千百人入皇城恐非所宜上聞之瞿然乃命停武舉冬十月癸酉以歲凶穀貴出太倉粟三十萬石開場糶以惠民庚子夏州韓全義奏破吐蕃鹽州十一月巳未韋臯進開西南蠻事狀一卷叙開復南詔之由十二月戊子太子少師致仕郢國公韋倫卒癸酉出東都令嘉倉粟七萬石開場糶以惠河南饑民巳亥南詔異牟尋遣使賀正旦明州鎮將栗鏗殺刺史盧雲

十五年春正月丙午朔甲寅雅王逸薨甲戌浙西觀察使李若初卒二月罷中和節宴會年凶故也丁丑宣武軍節度使檢校左僕射平

宣武軍汴州刺史董晉卒乙酉以行軍司馬陸長源檢校禮部尚書汴州刺史御史大夫宣武軍節度度支營田汴宋毫穎節度使以常州刺史李錡爲潤州刺史浙西觀察使及諸道鹽鐵轉運使是日汴州軍亂殺陸長源及節度判官孟叔度丘穎軍人鬻而食之監軍俱文珍以宋州刺史劉逸準檢校工部尚書兼汴州刺史宣武軍節度使仍賜各全諒乙未裴肅奏於台州糶粟鏗以獻斬於獨柳樹癸卯罷三月羣臣宴賞歲饑也出太倉粟十八萬石糶於京畿諸縣三月甲寅吳少微以州殺監軍召國朝掠居民千餘而去丁巳以度支郎中兼中丞王元為戶部侍郎依前判度支戊午昭義軍節度使檢校工部尚書王虔休卒戊辰以河陽三城節度使李元爲潞州長史昭義軍節度澤潞磁邢洛觀察使以河陽節度押衙衡濟爲懷州刺史河陽三城懷州節度使辛未太子少師致仕于頔卒壬申於易州滿城縣置永清軍癸酉令江淮歲運米二百萬石雖有是命然歲運不過四十



萬石四月丁丑以久旱令陰陽人法術祈雨壬午內侍省加置內給事二員癸未以安州刺史伊慎為安黃節度營田觀察使庚寅應京城內外諸軍縣鎮職真官見共五萬八千二百七十一人宜令每人賜粟一石乙未特進兵部尚書歸崇敬卒五月甲辰朔戊辰宗正卿嗣吳王岷薨六月己卯黔中觀察使御史中丞王礎卒癸巳山南西道節度使檢校尚書左僕射平章事嚴震卒秋七月乙巳以興州刺史興元都督嚴礪為興元尹兼御史大夫山南西道節度度支營田觀察等使丙午故唐安公主賜諡曰莊穆公主賜諡自唐安始也丁未以王礎廢朝一日觀察使卒廢朝自礎始也戊午貶諫議大夫苗拯萬州刺史左拾遺李繁播州叅軍以私議除拜嚴礪不當而無章疏而偽言累上疏故也鄭滑大水八月壬申朔丙申陳許節度使檢校尚書右僕射許州刺史曲環卒丁酉以洋州刺史韋士及為黔中觀察使丙午以陳許兵馬使前陳州刺史上官洸為許州刺史陳許節度使吳少誠謀逆漸甚陷臨穎進圍許州庚戌宣武軍節度使

檢校工部尚書汴州刺史劉全諒卒丙辰制吳少誠非次擢用授以節旄秩居端揆之榮任總列城之重期申報效奉我典章而秉心匪彝自底不類兇狡成性扇構多端擅動甲兵暴越封壤壽州茶園輒縱凌奪唐州詔使僭構殺傷干犯國章罪在無赦朕以王者之德在乎好生人君之體務於含垢寧屈已以宥罪不殘人以興師以上稽宗社之威外抑忠賢之請庶有悛革尚議優容幸隣境之喪是貪亂之志焚略縣邑殘暴吾民朕尤冀知非為之忍耻亟頒恩命未許出師至乃攻逼許州肆其蠱毒恣行殺戮流害黎蒸惡稔禍盈人神同棄興言致討實悼于懷宜令諸道各出師徒犄角齊進吳少誠在身官爵並宜削奪已巳自今中和重陽二節每節只禁屠一日辛酉以大理評事宣武軍都知兵馬使韓弘檢校工部尚書兼汴州刺史御史大夫宣武軍節度使冬十月己丑邕王諒薨吏部侍郎奚陟卒十一月乙巳冬至罷朝會兵興也壬子襄州于頔奏于朗山破淮南賊三千人十二月庚午朔方等道副元帥河中絳州節度使檢校司徒



兼奉朔中書令渾瑊薨乙未戰淮西賊於小殷河王師不利諸軍自  
潰丁酉以同州刺史杜確為河中尹河中絳州觀察使

十六年春正月庚子朔乙巳恒冀定州許河陽四鎮之師與賊戰皆  
不利而退南詔獻奉聖樂舞曲上閱於麟德殿前二月己酉以左神

策行營銀夏節度等使韓全義為蔡州行營招討使陳許節度使上官  
況副之己丑左龍武統軍程懷直卒己酉華州刺史潼關防禦鎮國

軍使盧徵卒壬子以尚書右丞袁滋為華州刺史潼關防禦鎮國軍  
使夏四月丁亥黔中知宴設吏傅近逐觀察使韋士宗己丑以昭義軍

節度使姚南仲為右僕射以權知新羅國事金俊邕襲祖開府檢校  
太尉雞林州都督新羅國王辛卯以義成軍行軍司馬盧羣為滑州

刺史兼御史中丞義成軍節度使壬申檢校兵部尚書京兆尹吳湊  
卒五月戊戌朔以雨罷朝庚戌韓全義與蔡賊將吳少誠戰於澠水

南王師敗績徐泗濠節度使檢校尚書右僕射徐州刺史張建封卒  
壬子徐州軍亂不納行軍司馬韋夏卿迫建封子愔為畱後丙寅韋

士宗却入黔州丁卯以吏部侍郎顧少連為京兆尹六月丙午  
李師古淮南杜祐並加同平章事以祐兼領徐泗濠節度以前

叅軍張愔起復驍衛將軍兼徐州刺史御史中丞本州團練使  
州畱後秋七月湖南觀察使呂渭卒八月癸酉以河中尹王

州刺史湖南觀察使九月宿吳少誠駙馬都尉郭曖卒義成軍節度  
使盧群卒丙午前太常卿裴郁卒戊辰以左丞李光素為滑州刺史

兼御史大夫義成軍節度使庚戌中書侍郎同中書門下平章事  
鄭餘慶為郴州司馬戶部尚書郎判度支十頌為泉州司戶以戶部侍郎

王召判度支以戶部郎中崔從質為戶部侍郎癸酉吳少誠賊迫  
軍澠水砦下營韓全義退保陳州諸軍散還本道官軍不振以河

南少尹張式為河南尹水陸轉運使庚申以太常卿齊抗為中書侍郎  
同平章事癸亥以虔王諒為徐州節度使張愔為畱後冬十月辛

未興元嚴礪希監軍言誣奏流人通州別駕崔河圖長流崖州賜死  
人士傷之吳少誠引兵歸蔡州上表待罪戊子詔雪吳少誠復其官



爵乙丑河東節度使檢校禮部尚書太原尹兼御史大夫北都留守  
李悅卒甲午以河東行軍司馬鄭儋檢校工部尚書太原尹河東節  
度使十一月癸卯泗州濠州宜隸淮南觀察使戊申以太府卿韋渠  
牟為太常寺卿十二月戊寅罷吏部復考判官及禮部別項貢舉  
十七年春正月甲午朔甲寅韓全義自蔡州行營還詔歸鎮華州二  
月癸巳朔賜群臣宴於曲江亭上賦中和節賜宴曲江詩六韻賜之  
丁酉雨雹巳亥雨霜戊申夜雷霆雨雪庚戌大雨雪兼雹三日乙丑  
賜群臣宴於曲江亭巳巳黔中觀察使韋士宗復為三軍所逐癸酉  
衢州刺史鄭式瞻進絹五千匹銀二千兩上曰式瞻犯贓巳詔御史  
按問所進宜付左藏庫丁丑省天下州府別駕司馬田曹參軍京兆  
河南太原三府外諸府判司雙曹者省一夏四月丁未始命駙馬及  
郡縣王婚無子者養男不用母蔭辛亥以諫議大夫裴佖為黔中  
觀察使五月壬戌朔日有星之乙酉邠寧節度使檢校工部尚書邠州  
刺史辛丙戌以工部侍郎趙植為廣州刺史兼御史大夫

節度使六月戊戌以定平鎮兵馬使李朝案檢校工部尚書  
刺史朔方邠寧慶節度使以中官楊志廉為右神策護軍中尉浙西  
人崔善真詣闕上書論浙西觀察使李錡罪狀上覽奏不悅令善  
真送於李錡為鑿坑待善真既至和械推而埋之由是錡恣橫於巳  
西以邠寧兵馬使高固為邠州刺史兼御史大夫邠寧慶節度使丁  
巳成德軍節度使恒冀深趙德棣觀察等使恒州大都督府長史檢  
校太尉中書令瑯琊郡王王武俊薨贈太師諡曰忠烈秋七月戊寅  
吐蕃寇鹽州辛巳以前成德軍節度副使檢校工部尚書知恒州事  
清河郡王王士真起復授恒州長史充成德軍節度使乙酉太常卿  
韋渠牟卒巳丑吐蕃陷麟州殺刺史郭鋒毀城壘而去八月戊午以  
河東行軍司馬嚴綬檢校工部尚書兼太原尹御史大夫河東節度  
使九月壬戌韋臯奏大破吐蕃於雅州戊辰群臣宴曲江上賦九日  
賜宴曲江亭詩六韻賜之丁丑禮部尚書李齊運卒冬十月加韋臯  
檢校司徒中書令封南康郡王賞破吐蕃功也戊午鹽州刺史杜彥



先委城奔慶州辛未宰相賈耽上海內華夷圖及古今郡國縣道四夷述四十卷甲戌翰林待詔戴少平死十六日復生庚戌以京兆尹顧少連為吏部尚書以吏部侍郎韋夏卿為京兆尹淮南節度使杜鎰進通典凡九門共二百卷

十八年春正月戊午朔大雨雪罷朝賀乙丑驃國王遣使悉利移來朝貢并獻其國樂十二曲與樂工三十五人乙亥韋臯以所擒蕃相論莽執來獻庚辰以常州刺史賈全為越州刺史浙東觀察使二月戊子朔賜群臣宴於馬璘之山池三月癸未以劍南東川節度使李康為梓州刺史兼御史大夫劔南東川節度使乙丑賜宴於馬璘之山池己巳以蘄州刺史鄭紳為鄂州刺史鄂岳蘄沔觀察使於西以浙東團練副使齊總為衢州刺史總以橫賦進奉希中許孟容封還制書丙戌以河中軍司馬鄭元為河中尹大夫河中絳節度使五月癸亥以書

部尚書顧少連為兵部尚書東都留守東都畿汝防禦使前東都副守檢校禮部尚書王翊卒秋七月庚辰蔡申光三州春水夏旱賜帛五萬段米十萬碩鹽三千碩八月壬寅以邕管經略使徐中為廣州刺史嶺南節度使甲辰以嶺南節度掌書記試大理評事張正元為邕州刺史御史中丞邕管經略使給事中許孟容以非先賜授封還詔書丁未以戶部侍郎判度支王召為戶部尚書判度支九月乙卯朔以太常少卿楊憑為潭州刺史湖南觀察使癸亥賜羣臣宴於馬璘山池上賦九日賜宴詩六韻賜之冬十月丁亥以刑部尚書王鐸為淮南節度副使兼行軍司馬己酉鄜坊丹延節度使檢校禮部尚書王栖耀卒十一月丙辰以同州刺史劉公濟為鄜州刺史鄜坊丹延節度使十二月乙巳貶大理卿李正臣為衛尉少卿正臣為御史彈劾下獄不堪其辱而死戊申黎州蠻牂牁使入朝十九年春正月癸丑朔二月壬午朔賜宴馬璘山池丁亥修含元殿賜蓋節度曰奉義軍丙申以桂管留後韋武為桂州刺史桂管觀察



使已亥安南經略使裴泰為州將王季元所逐甲辰淮南節度使杜祐來朝三月壬子朔以杜祐檢校司空同中書門下平章事太清宮使以淮南行軍司馬王錡檢校尚書右僕射兼揚州大都督府長史淮南節度使丁卯以今年孟夏禘饗前議太祖懿獻之位未決至此禘祭方正太祖東向之位已下列序昭穆其獻祖懿祖祔于德明興聖之廟每禘祫年就本室饗之乙亥以司農卿李實為京兆尹夏四月乙未涇原節度使劉昌奏請移行原州為平涼城從之戊戌百官以祔廟畢蹈舞稱賀五月辛亥湖南節度使檢校工部尚書江陵尹裴胄卒乙未以荆南行軍司馬裴筠為江陵尹兼御史大夫荆南節度使甲子四鎮北庭行軍涇原節度使檢校右僕射涇州刺史劉昌卒甲戌以涇原節度留後段佑為涇州刺史兼御史大夫四鎮北庭行軍涇原節度使乙亥吐蕃遣使論頻熱入朝甲辰以陳許行軍司馬劉昌為檢校工部尚書兼許州刺史陳許節度使自正月至是未雨分命祈禱山川秋七月戊午以關輔饑罷吏部選禮部貢舉己未

中書侍郎平章事齊抗為太子賓客病免也甲戌始雨乙亥尚書僕射姚南仲薨貸京畿民麥種八月乙未大雨霖冬十月乙未以太子賓客韋夏卿為東都留守東都畿汝都防禦使閏月丁巳門下侍郎同平章事崔損卒十一月戊寅朔以鹽州兵馬使李興幹為鹽州刺史許專達于上不隸夏州丙午振武麟勝節度使范希朝來朝戊午以振武行軍司馬閻巨源檢校工部尚書兼單于大都護振武麟勝節度使庚申以太常卿高郢為中書侍郎同中書門下平章事壬申監察御史崔遠入臺近不練故事違式入右神策軍上怒笞四十配流崖州

二十年春正月丁丑朔丙申天德軍防禦團練使豐州刺史李景略卒以其判官任簡迪代領其任己亥以鄜坊丹延節度使劉公濟為工部尚書以其行軍司馬裴玢代領其任二月丙午朔罷中和節宴歲儉也庚戌大雷震雨雹三月甲甲以吐蕃贊普卒廢朝己亥以國子祭酒趙昌為安南都護御史大夫本管經略使夏四月辛酉太子賓



唐紀十三  
客齊抗卒丙寅吐蕃使臧 河南觀察使論乞舟等五十四人來朝  
貢陳許節度賜號忠武軍五月甲戌朔御宣政殿乙亥以史館修撰  
秘書監張薦為工部侍郎兼御史大夫充入吐蕃吊祭使七月癸酉  
朔大雨雹辛卯福建觀察使柳冕奏置萬安監牧於泉州界置群牧  
五悉索部內馬牛羊近萬頭匹監吏主之八月戊申以房州刺史郗  
士美為黔中觀察使己未以昭義兵馬使盧從史為檢校工部尚書  
兼潞州長史昭義軍節度澤潞磁邢洛觀察使九月庚辰賜群臣宴  
於馬磷山池冬十月甲辰於景州南皮縣置唐昌軍辛亥易定節度  
使張茂昭來朝十一月丁酉以監察御史李程秘書正字張聿藍田  
縣尉王涯並為翰林學士十二月吐蕃南詔日本國並遣使朝貢庚  
午以桂管防禦使顏証為桂州刺史桂管觀察使  
二十一年春正月辛未朔御含元殿受朝貢是日上不康丙子以浙東  
觀察判官凌準為翰林學士癸巳會群臣於宣政殿宣讀詔皇太子  
宜於極前即位是日上崩於含寧殿享壽六十四甲午葬神廟太極

殿丙申發喪群臣縗素皇太子即位永貞元年九月丁卯群臣上諡曰  
神武孝文廟號德宗十月己酉葬于崇陵昭德皇后王氏祔焉  
史臣曰德宗皇帝初總萬機勵精治道思政若渴視民如傷凝旒延納  
於謹言側席思求於多士其始也去無名之費罷不急之官出永巷  
之嬪嬙放文單之馴象減太官之膳誠服玩之奢解鷹犬而放伶倫  
止推酤而絕貢奉百神咸秩五典克從御正殿而策賢良輟廷臣而  
治畿甸此皆前王之能事有國之大猷率是而行夫何敢議加以天  
才秀茂文思雕華麗翰金鑿無愧淮南之作屬辭鈇槩何慙隴坻之  
書文雅中興爰高前代三南三祖豈盛於茲然而王霸迹殊淳醜代  
爰換時而理斟酌斯難苟於交喪之秋輕取鄙夫之論歷觀近世靡  
不敗亡德宗在藩齒胄之年曾為統帥及出震承乾之日頗負經綸  
故縱初罷郭令戎權非次聽楊談謬計遂欲混同華裔東縛奸豪南  
行襄漢之誅北舉恒陽之伐出車雲擾命將星繁罄國用不足以餽  
軍竭民力未聞于破賊一旦德音掃地愁歎連薨果致五盜僭擬於



天王二朱馮凌於宗社奉天之窘可爲涕零罪已之言補之何益所  
賴忠臣戮力否運再昌雖知非竟逐於楊炎而受佞不忘於盧杞用  
延賞之私怨奪李晟之兵符取延齡之奸謀罷陸贄之相位知人則  
哲其若是乎貞元之辰吾道窮矣  
贊曰聰明文思惟睿作聖保姦傷善聽斷不令御曆三九適逢天幸  
賜宴之辰徒矜篇咏

唐書本紀卷第十三